

দাওয়াত বিল কুরআন

(কুরআন দিয়ে দাওয়াত দেয়ার পদ্ধতি)

মুফতি যুবায়ের আহমদ
পরিচালক: ইসলামী দাওয়াহ ইনস্টিটিউট
মান্ডা শেষ মাথা, মুগদা, ঢাকা-১২১৪
ahmadjubaer84@gmail.com

হিলফুল ফুয়ুল প্রকাশনী
১৩৫/৩, উত্তর মুগদাপাড়া, ঢাকা-১২১৪
০১৭৯৮ ৪১৮ ১০০, ০১৯১৭ ৫৯৭ ৫৫১
hilfulfujulprokashoni.com

দাওয়াত বিল কুরআন

(কুরআন দিয়ে দাওয়াত দেয়ার পদ্ধতি)

প্রথম প্রকাশ : মার্চ-২০২৩ ইং.

মুফতি যুবায়ের আহমদ

প্রকাশক : আলহাজ ইঞ্জিনিয়ার তালাত মুহাম্মদ তৌফিকে এলাহী
স্বত্ত্ব : পরিবর্তন ও পরিবর্ধন না করার শর্তে লেখকের লিখিত অনুমতি
সাপেক্ষে যে কেউ বইটি প্রকাশ ও প্রচার করতে পারবেন।

❖ কম্পোজ : আবু আবুল হাসান আলী

প্রাপ্তিস্থান
ইসলামী দাওয়াহ ইনস্টিটিউট
মান্ডা শেষ মাথা, মুগদা, ঢাকা-১২১৪
বাংলাবাজার সহ দেশের সম্ভ্রান্ত লাইব্রেরীসমূহ
islamicdawahbd.com

মূল্য: ৫০ টাকা মাত্র

ISBN: 978-984-35-2552-9

ভূমিকা

الحمد لله رب العالمين والصلوة والسلام على سيد المرسلين وعلى
 اله واصحابه اجمعين ومن تبعهم باحسان ودعي بدعوتهم إلى
 يوم الدين

সকল প্রশংসা মহান আল্লাহ্ তায়ালায়। তিনি সকল মানুষের হেদায়াতের জন্য কুরআন নাজিল করেছেন। এই কিতাব অবতীর্ণ করেছেন তাঁর প্রিয় নবী মুহাম্মদ সাল্লাল্লাহু আলাইহি ওয়া সাল্লামের উপর। দরুদ ও সালাম বর্ষিত হোক নবীগণের সর্দার শেষ নবী, প্রিয় নবী, রহমাতুল্লিল আলামিন হযরত মুহাম্মদ সাল্লাল্লাহু আলাইহি ওয়াসাল্লামের উপর। শান্তি বর্ষিত হোক তাঁর পরিবার পরিজন ও সকল সাহাবাগণের উপর।

দাওয়াতের হুকুম (মানসুস) কুরআন-হাদিসের সুস্পষ্ট প্রমাণাদি দ্বারা প্রমাণিত। কিন্তু তার পদ্ধতি (মানসুস নয়) অনির্দিষ্ট। সুনির্দিষ্ট কোনো পদ্ধতিতে দাওয়াত দিতে হবে এমনটির বাধ্যবাধকতা নেই। এর জন্য দাওয়াত স্থান-কাল-পাত্র ভেদে হেকমতের মাধ্যমে দাওয়াতের জন্য উপকারী যে কোনো পদ্ধতি অবলম্বন করতে পারবে। আল্লাহ্ তায়ালা বলেন-

ادْعُ إِلَى سَبِيلِ رَبِّكَ بِالْحُكْمِ وَالْمَوْعِظَةِ الْحَسَنَةِ ۚ وَجَادِلْهُمْ بِالَّتِي هِيَ أَحْسَنُ ۚ إِنَّ رَبَّكَ هُوَ أَعْلَمُ بِمَنْ ضَلَّ عَنْ سَبِيلِهِ ۚ وَهُوَ أَعْلَمُ
 بِالْمُهْتَدِينَ

আপন পালনকর্তার পথের দিকে আহ্বান করুন। জ্ঞানের কথা বুঝিয়ে ও উপদেশ শুনিয়ে উত্তমরূপে এবং তাদের সাথে বিতর্ক করুন **পছন্দযুক্ত** পন্থায়। নিশ্চয় আপনার পালনকর্তাই ঐ ব্যক্তি

সম্পর্কে বিশেষ ভাবে জ্ঞাত রয়েছেন, যে তাঁর পথ থেকে বিচ্যুত হয়ে পড়েছে এবং তিনিই ভাল জানেন তাদেরকে, যারা সঠিক পথে আছে।^১

দাওয়াতের বিভিন্ন পদ্ধতি অবলম্বন করেন। কেউ বিভিন্ন ধর্মগ্রন্থের মাধ্যমে ইসলামের শ্রেষ্ঠত্ব প্রমাণ করে মানুষকে ইসলামের দিকে দাওয়াত দিয়ে থাকেন। কেউ আবার যুক্তি-প্রমাণ ও জ্ঞান-বিজ্ঞানের আলোকে মানুষকে ইসলামের দাওয়াত দিয়ে থাকেন। যার যার স্থান থেকে সকল পদ্ধতিই সঠিক ও প্রশংসা পাওয়ার যোগ্য। তবে দাওয়াতের পদ্ধতিসমূহের মধ্যে সবচেয়ে উত্তম পদ্ধতি হলো কুরআন দিয়ে দাওয়াত দেয়া। এটা হলো আকরাব ইলাস সুন্নাহ অর্থাৎ সুন্নাহের খুবই কাছাকাছি এবং অধিক ফলপ্রসূ। নবীজীর সীরাতে দিকে তাকালে দেখবো নবীজী সাল্লাল্লাহু আলাইহি ওয়াসাল্লাম মানুষকে কুরআনের আয়াত শুনিয়ে ইসলামের দিকে দাওয়াত দিতেন। অধিকাংশ সাহাবা রা. ইসলাম গ্রহণ করেছেন কুরআনুল কারীমের তেলাওয়াত শুনে বা কুরআন পড়ে। বর্তমান যুগে অধিকাংশ মানুষ ইসলাম গ্রহণ করছেন কুরআন পড়ে। কারণ, কুরআনুল কারীম হলো আল্লাহর কালাম। আল্লাহ বড়; আল্লাহর কালামও বড়। তাঁর কালামের প্রভাবও অনেক। সাধারণ একজন মানুষের অতি সামান্য একটি কথায় যদি মানুষের মধ্যে প্রভাব সৃষ্টি হয়, তাহলে আল্লাহর কালামের প্রভাব আরো কত বেশি হতে পারে তা কল্পনা করাও অসম্ভব।

একটি উদাহরণ দিলে বিষয়টি আরো স্পষ্ট হবে। মনে করুন, আপনি রিক্সা দিয়ে কোথাও যাচ্ছেন। রিক্সাওয়ালা সাথে বিভিন্ন বিষয়ে কথা বলছেন। রিক্সাওয়ালাও সামনের দিকে তাকিয়ে রিক্সা চালাচ্ছেন এবং আপনার সাথে আলাপচারিতায় লিপ্ত। এক পর্যায়ে তার সাথে আপনার বাকবিতণ্ডা শুরু হলো। রিক্সাওয়ালা আপনার

^১ সূরা নাহল-১২৫

কোন কথায় কষ্ট পেয়ে রেগে গেল। সে রিক্সা চালানো অবস্থায় সামনের দিকে তাকিয়ে আপনার বাবা মার নাম তুলে অরুচিকর ভাষায় একটি গালি দিল। গালিটা আপনার দিকে তাকিয়ে দেয়নি। সামনের দিক থেকেই দিয়েছে। ভাবুন তো তার গালি বা একটি কথায় আপনার মধ্যে কি ধরনের প্রভাব সৃষ্টি হবে? তার কথাটির প্রভাবে আপনার দাঁত কিড়মিড় করবে, মুখ বিকৃত হবে, চোখ দুটো রাগে বড় হয়ে যাবে। এরপর হয়তো আপনি হাতের আঙ্গিন গুটিয়ে হাতের আংগুলগুলিকে মুষ্টি বানিয়ে পিছন দিক থেকে তার পিঠে একটি ঘুসি মারবেন। এই প্রতিক্রিয়া দেখিয়ে প্রতিশোধ নিবেন। একটু ভাবি, একজন সাধারণ রিক্সাওয়ালায় একটি কথা আমাদের মাঝে এতো প্রভাব সৃষ্টি করে! তাহলে আল্লাহ্ বড়, আল্লাহ্ পাকের কালাম বড়, তার কালামের প্রভাবও অনেক বড়।

তাই, আমরা যদি আল্লাহর পবিত্র বাণী কোরআনের আয়াতের মাধ্যমে অমুসলিমদেরকে ইসলামের দাওয়াত প্রদান করি তাহলে হয়তো সে দাওয়াতের প্রভাবে ইসলামের ছায়াতলে আশ্রয় নেবে। মাদ'উর জন্য হেদায়াতের পথ সুগম হবে।

একজন দা'য়ী কীভাবে অতি সহজে কোরআনের আয়াত দিয়ে দাওয়াত দিতে পারে এই বিষয়টি নিয়ে বহুদিন থেকে ভাবছিলাম। যদিও অধর্মের রচিত বই 'হিন্দু ভাইদের দাওয়াত দেয়ার পথ ও পদ্ধতি' বইয়ের একটি অধ্যায় রাখা হয়েছে 'কোরআন দিয়ে দাওয়াত দেয়ার পদ্ধতি' নামে। আরো সহজ করে কীভাবে দাওয়াত দেয়া যায়, কোন আয়াতগুলো আনলে মানুষ বেশি উপকৃত হবে তা নিয়ে কিছুটা গবেষণা করেছিলাম। অল্প কিছু কাজও করেছিলাম। এরই মধ্যে ভারতের একজন দা'য়ীর কিছু শীট আমার হাতে পৌঁছে। সেখানে এ বিষয়ে কিছু দিক-নির্দেশনা ছিল। শীটগুলো থেকে আমি অনেক উপকৃত হই; আমার কাজে গতি পাই। আরো কিছু গবেষণা করে স্বতন্ত্র একটি গ্রন্থের রূপ দেয়ার চেষ্টা করি। বহুদিন আগেই বইটির কিছু অসম্পূর্ণ কাজ করে রেখেছিলাম। কাজটি শুরু করবো করবো করে আর ধরা হয়নি। এরই মধ্যে আবার চলে যেতে হয়েছিল ইউসুফ আ.-এর পাঠশালা, জামিয়া ইউসুফিয়ায়।

আলহামদুলিল্লাহ! এ বছর ২০২২ ইং সনে আল্লাহ্ তায়ালা তাঁর ঘরের মেহমান বানিয়ে নিয়ে আসেন। এখানকার বরকতময় মুহূর্তে

লেখালেখির সুযোগ হয়। এই সুযোগে বইটির কাজ সম্পূর্ণ করার তৌফিক হয়। আল্লাহর দরবারে অশেষ শুকরিয়া তাঁর ঘরের সামনে বসে বায়তুল্লাহকে সামনে রেখে বইটির কাজ শেষ করার তৌফিক দান করেছেন। বইটির নাম দেয়া হয়েছে 'দাওয়াত বিল কুরআন'। বইটিতে কোরআনের আয়াত দিয়ে দাওয়াত দেয়ার পদ্ধতির উপর আলোচনা করা হয়েছে। প্রতিটি বিষয়ে অসংখ্য আয়াত রয়েছে। তার মধ্যে দু'য়েকটি আয়াত এখানে সংযোগ করা হয়েছে যেন দা'য়ীগণ খুব সহজেই মুখস্ত করতে পারেন। শেষাংশে কোরআনের দাওয়াত পেয়ে ইসলাম গ্রহণ করেছেন এমন কিছু ঘটনা লিপিবদ্ধ করা হয়েছে। পরিশেষে, শুকরিয়া আদায় করছি ওই সকল বন্ধুদের যারা বইটিকে পাঠকের কাছে পৌঁছাতে বিভিন্নভাবে সাহায্য-সহযোগিতা করেছেন। বিশেষভাবে স্নেহভাজন মাওলানা আব্দুল ওয়াহিদ-এর। সে কম্পোজ করে অনেক সহযোগিতা করেছে। আল্লাহ্ তায়ালা সকলের প্রচেষ্টাকে কবুল করুন। ইখলাসের দৌলত নসিব করুন। সকল ধরনের বালা-মসিবত থেকে হেফাজত করুন।

মানুষ ভুল ত্রুটির বাইরে নয়। এই বইটিতে কোন ভুল পাঠকের দৃষ্টিগোচর হলে আমাকে জানাবেন। ইনশা আধআদ পরবর্তী সংস্করণে ঠিক করে দেয়ার চেষ্টা করব। পরিশেষে দোয়া করি আল্লাহ্ তা'আলা আমাদের সকলকে কবুল করুন। এই গ্রন্থটিকেও কবুল করুন। লক্ষ কোটি মানুষের হেদায়েতের মাধ্যম বানিয়ে দিন। যারা এই বইটি পড়ে দাওয়ার কাজ করবে তাদেরকে কবুল করুন। তাদের মাদ'উদের হেদায়েতের সম্পদ দান করুন।

হে আল্লাহ্! গ্রন্থটি আপনি কবুল করুন। লেখক-পাঠক প্রকাশকসহ সকলের নাজাতের মাধ্যম বানিয়ে দিন। হে আল্লাহ্ আপনি আমাদের উপরে খুশি হয়ে যান। রাজি হয়ে যান। হে আল্লাহ্ আপনি তো আমাদের দেখছেন, আমাদের কথা শুনছেন, আপনি তো অন্তর্যামী। আপনি আমাদের ক্ষমা করে দিন। আমাদের মুখলিছ দা'য়ী বানিয়ে দিন। আমীন ইয়া রব্বাল আলামীন।

যুবায়ের আহমদ
লিখার স্থান মক্কা মুকাররমা
২০ জিলক্বদ, ১৪৪৩ হি.
২১ জুন, ২০২২ ইং।

প্রকাশকের কথা

মহান আল্লাহ তাআলার অপার রহমত, বরকত ও মাগফেরাতের আশায় ‘দাওয়াত বিল কুরআন’ বইটি প্রকাশ করার উদ্যোগ নিয়েছি।

হৃদয়ের গভীরতম কোণ থেকে একটি ক্ষীণ আশাই উৎসারিত হয়ে প্রতিধ্বনিত হয়ে ফিরছে, যদি কোনো আল্লাহর বান্দা আল্লাহর ইচ্ছায় বইটি পাঠ করে দাওয়াতি কাজ করতে উদ্যমী হন এবং সেই উসিলায় আল্লাহ মালিক যদি আমাকে ও লেখককে তাঁর ক্ষমার সুশীতল ছায়ায় আশ্রয় দান করেন। সেই সাথে প্রবল প্রত্যাশা, এই কাজে সহযোগীসহ সকল পাঠক-পাঠিকাকেও যেন মেহেরবান মালিক কবুল করেন।

সম্মানিত পাঠকবৃন্দের নিকট আমার একান্ত অনুরোধ রইল, আমাদের অনিচ্ছা সত্ত্বেও মুদ্রণগত যেসব ভুলত্রুটি রয়ে গেছে সেজন্য আমি অনুতপ্ত। আমার এই অপরাধ মার্জনাযোগ্য মনে করে বইটির ভুল-ত্রুটি সম্পর্কে অবহিত করলে আপনাদের নিকট কৃতজ্ঞতা পাশে আবদ্ধ থাকবো। সম্মানিত পাঠক-পাঠিকার জন্য আমার আল্লাহর নিকট এই প্রার্থনাই রইলো, তিনি যেন তাঁদের সাথে আমাকে ও অনুবাদককে তাঁর দয়ায় ক্ষমা করে দেন। সাথে সাথে দ্বীনের বড় বড় খেদমত আঞ্জাম দেয়ার তৌফিক দান করুন। আমীন!

তালাত মুহাম্মদ তৌফিকে এলাহী

২৮-০৩-২০২৩ ইং

সূচিপত্র

দাওয়াত বিল কুরআন/০৯
কুরআন দিয়ে দাওয়াতের গুরুত্ব/১১
নবীজির দাওয়াত দেয়ার পদ্ধতি/১২
দাওয়াত বিল কুরআনের পদ্ধতি/১২
সম্পর্ক/১৩
আমরা সকলেই এক মালিকের বান্দা ও দাস/১৩
আমরা সমস্ত মানুষ এক পিতা মাতার সন্তান/১৪
তাওহীদ/১৫
আল্লাহর পরিচয়/১৬
আয়াতুল কুরসির আলোকে/১৭
মানুষের জীবনের উদ্দেশ্য/১৮
শিরক না করা/১৯
শিরকের ক্ষতি/২০
বাতিল উপাস্যদেরং স্বরূপ/২১
আখিরাত (পরকাল)/২২
পরকালের প্রথম ধাপ/২৩
মৃত্যু/২৩
আলমে বরযখ/২৪
সত্য গ্রহণকারীর জন্য জান্নাত/২৭
সত্য প্রত্যাখানকারীর জন্য জাহান্নাম/২৮
রিসালাত/৩০
সকল নবীর দাওয়াত ছিল এক ও অভিন্ন/৩২
মুহাম্মাদ ﷺ সকলের নবী/৩৩
ধর্ম একটিই/৩৫
কালেমা শাহাদাত/৩৫
তায়েফের বাজারে নবীজির দাওয়াত/৩৮
নবীজির দাওয়াত শিবান ইবনে সালাবা গোত্রে/৩৯
কুরআনে ভুল খুঁজতে গিয়ে নিজেই মুসলমান হলেন খ্রিস্টান গবেষক/৪৩
কুরআনের ভুল খুঁজতে গিয়ে ইসলাম গ্রহণে বাধ্য হন এই মার্কিন লেখিকা /৪৪

দাওয়াত বিল কুরআন

কুরআন দিয়ে দাওয়াত দেয়ার পদ্ধতি ইসলামের দাওয়াতের কোন নির্দিষ্ট পদ্ধতি নয়। কুরআনুল কারীমে আল্লাহ্ তায়ালা দাওয়াতের কিছু মৌলিক মূলনীতি বর্ণনা করেছেন। আশিয়া আ. নিজ জাতির কাছে যেই পদ্ধতিতে দাওয়াতের কাজ করেছেন। তার কারগুজারীগুলো বর্ণনা করেছেন। নবীজীকে দাওয়াতের যেসব নির্দেশ দেয়া হয়েছে তার মধ্যেও দাওয়াতের নীতি, আদব এবং কর্ম-পদ্ধতির উপর আলোকপাত করা হয়েছে। এসব বিষয় নিয়ে আমাদের আলোচনা। কুরআনুল কারীমের এই আয়াতে যার বিস্তারিত বিবরণ দেয়া হয়েছে:

ادْعُ إِلَى سَبِيلِ رَبِّكَ بِالْحُكْمَةِ وَالنُّوعِظَةِ الْحَسَنَةِ ۚ وَجَادِلْهُمْ بِالَّتِي هِيَ أَحْسَنُ ۚ إِنَّ رَبَّكَ هُوَ أَعْلَمُ بِمَنْ ضَلَّ عَنْ سَبِيلِهِ ۚ وَهُوَ أَعْلَمُ
بِالْمُهْتَدِينَ

আপন পালনকর্তার পথের প্রতি আহ্বান করুন জ্ঞানের কথা বুঝিয়ে ও উপদেশ শুনিয়ে উত্তমরূপে এবং তাদের সাথে বিতর্ক করুন পছন্দযুক্ত পন্থায়। নিশ্চয় আপনার পালনকর্তাই ঐ ব্যক্তি সম্পর্কে বিশেষ ভাবে জ্ঞাত রয়েছেন, যে তাঁর পথ থেকে বিচ্যুত হয়ে পড়েছে এবং তিনিই ভাল জানেন তাদেরকে, যারা সঠিক পথে আছে।^২

اٰذْهَبْ اِلٰى فِرْعَوْنَ ۙ اِنَّهُ طَغٰۙ ۚ فَقُوْلَ لَهُ قَوْلًا لَّيِّنًا لَّعَلَّهُ يَتَذَكَّرُ اَوْ يَخْشٰۙ

তোমরা উভয়ে ফেরআউনের কাছে যাও; সে খুব উদ্ধত হয়ে গেছে। অতঃপর তোমরা তাকে নম্র কথা বল, হয়তো সে চিন্তা-ভাবনা করবে অথবা ভীত হবে।^৩

বর্তমানে মুসলিম জাতির মাঝে দাওয়াতের বিভিন্ন পদ্ধতি প্রচলিত আছে। যেমন:

১. কেউ বিতর্কের মাধ্যমে অকাট্য প্রমাণাদি দিয়ে ইসলামের সৌন্দর্যকে মানুষের কাছে পেশ করেন। মাদউ যে বিশ্বাস ও চিন্তাধারা লালন করে সেই বিশ্বাস ও ধর্মের দুর্বলতাকে তাদের সামনে তুলে ধরেন।

২. কেউ অমুসলিমদের ধর্মীয় গ্রন্থ দিয়ে দাওয়াত দেন। তাদের গ্রন্থ দিয়েই তাওহীদ রিসালাত ও আখিরাতকে প্রমাণ করেন।

৩. কেউ বিজ্ঞানের আলোকে ইসলামের সত্যতা প্রমাণ করে সেই আলোকে ইসলামের দাওয়াত দেন।

৪. কিছু দায়ী সেবার মাধ্যমে মানুষকে কাছে টেনে তারপর ইসলামের দাওয়াত দেন।

উল্লিখিত দাওয়াতের সকল পদ্ধতি বৈধ ও সঠিক। এর উপকারিতা ও ফলাফলকে অস্বীকার করার সুযোগ নেই। এই যুগে যেসব দায়ী এই কাজ করেছেন তারা প্রশংসা পাওয়ার যোগ্য। দোয়া করি- আল্লাহ্ তায়ালা এই দায়ীগণের সকল প্রচেষ্টাকে পরিপূর্ণভাবে কবুল করুন। কিন্তু চিন্তা করলে দেখা যায় এসব পদ্ধতিতে দাওয়াতি কাজের জন্য বিশেষ যোগ্যতাসম্পন্ন ও শিক্ষিত ব্যক্তির প্রয়োজন। তা একজন সাধারণ মুসলমানের জন্য সম্ভব নয়। এ কারণে সাধারণ মুসলমানের মনে এ কথা গঁথে গেছে যে অমুসলিমদের মাঝে দাওয়াতের কাজ যে কারোর কাজ নয়। এর জন্য অনেক যোগ্যতার প্রয়োজন। যতক্ষণ পর্যন্ত গীতা, বেদ, রামায়ণের উদ্ধৃতি না দিতে পারব ততক্ষণ পর্যন্ত

দাওয়াতের কাজ করা সম্ভব নয়। অথবা যে পর্যন্ত অমুসলিমদের সকল প্রশ্নের উত্তর দাওয়াতের বৈজ্ঞানিক বিশ্লেষণ না জানা যাবে সে পর্যন্ত দাওয়াতের কাজ সম্ভব নয়। আমাদের প্রচেষ্টা হলো মুসলিম জাতির প্রতিটি ব্যক্তিকে যেন দায়ী হয়ে যায়। নিজ সাধ্য অনুযায়ী দাওয়াতের কাজ করার চেষ্টা করে। তাই আমরা দাওয়াতের এমন একটি পদ্ধতিকে প্রাধান্য দিচ্ছি যা প্রতিটি মুসলিমদের জন্য সহজ ও খুবই ফলপ্রসূ। সেটা হল দাওয়াত বিল কুরআন।

দায়ীয়ে ইসলাম হযরত মাওলানা কালিম সিদ্দিকী দা. বা. -এর তত্ত্বাবধানে যে দাওয়াতের কাজ হয় সেটা হল দাওয়াত বিল কুরআন।

কুরআন দিয়ে দাওয়াতের গুরুত্ব:

দাওয়াত বিল কুরআনের গুরুত্ব ও ফজিলত বোঝার জন্য এতটুকুই যথেষ্ট যে এটা আল্লাহ তাআলার নিজেরই দাওয়াত। এটা সেই পদ্ধতি যার নির্দেশ দিয়েছেন তার প্রিয় নবী মুহাম্মদ সাল্লাল্লাহু ওয়াসাল্লামকে। এ বিষয়ে কিছু আয়াত পেশ করা হচ্ছে।

نَحْنُ أَعْلَمُ بِمَا يَقُولُونَ وَمَا أَنْتَ عَلَيْهِمْ بِجَبَّارٍ فَذَكَرْ بِالْقُرْآنِ مَنْ يَخَافُ وَعَبِيدٍ

তারা যা বলে, তা আমি সম্যক অবগত আছি। আপনি তাদের উপর জবরদস্তিকারী নন। অতএব, যে আমার শাস্তিকে ভয় করে, তাকে কুরআনের মাধ্যমে উপদেশ দান করুন।^৪

^৪ সূরা ক্বাফ, আয়াত নং-৪৫

নবীজির দাওয়াত দেয়ার পদ্ধতি:

নবীজী সল্লাল্লাহু আলাইহি ওয়াসাল্লাম কীভাবে দাওয়াত দিতেন তা কুরআনেই সুস্পষ্টভাবে আলোচনা করা হয়েছে। আল্লাহ তা'আলা বলেন-

هُوَ الَّذِي بَعَثَ فِي الْأُمِّيِّينَ رَسُولًا مِنْهُمْ يَتْلُو عَلَيْهِمْ آيَاتِهِ وَيُزَكِّيهِمْ وَيُعَلِّمُهُمُ الْكِتَابَ وَالْحِكْمَةَ وَإِنْ كَانُوا مِنْ قَبْلُ لَفِي ضَلَالٍ مُبِينٍ

তিনিই নিরক্ষরদের মধ্য থেকে একজন রাসূল প্রেরণ করেছেন, যিনি তাদের কাছে পাঠ করেন তার আয়াতসমূহ, তাদেরকে পবিত্র করেন এবং শিক্ষা দেন কিতাব ও হিকমত। ইতোপূর্বে তারা ছিল ঘোর পথভ্রষ্টতায় লিপ্ত।^৫

দাওয়াত বিল কুরআনের পদ্ধতি:

কুরআনের আয়াতের আলোকে মানুষের সামনে ইসলামকে সুন্দরভাবে উপস্থাপন করা হয়। একেই বলা হয় দাওয়াত বিল কুরআন। কুরআন দিয়ে দাওয়াত দেয়ার পদ্ধতিতে ছয়টি গুরুত্বপূর্ণ বিষয় রয়েছে। যার বিস্তারিত সামনে আলোচনা করা হয়েছে।

১. সম্পর্ক।
২. তাওহীদ।
৩. জীবনের উদ্দেশ্য।
৪. রিসালাত।
৫. আখিরাত।
৬. কালিমায়ে শাহাদাহ।

^৫ সূরা জুম'আ, আয়াত নং-২

সম্পর্ক:

যখন কোন মাদউর সাথে সাক্ষাৎ হবে সর্বপ্রথম তার সাথে ভালবাসা ও ভাতৃত্বের আলোচনা করতে হবে। মুসলিম ও অমুসলিমদের মাঝে হাজার বছরের যে দাওয়াতের দূরত্ব রয়েছে তার সমাপ্তি করতে হবে। মতামতের ভিত্তিতে সম্পর্ক রাখতে হবে। প্রাথমিক ভাবে দুটি বিষয় উপস্থাপন করা যেতে পারে। একটি হলো, আমরা হলাম এক মা-বাবার সন্তান। আদমের সন্তান হিসেবে আমাদের মাঝে রয়েছে রক্তের সম্পর্ক। দ্বিতীয়ত, আমরা সকলেই এক মালিকের সৃষ্টি, তাঁরই গোলাম বা দাস। এটা এমন অটুট সম্পর্ক যা কেউ ভাঙতে পারবে না। আমাদের মাঝে এমন অটুট সম্পর্ক থাকা সত্ত্বেও কেন এত দূরত্ব? কেন পরস্পর ঘৃণার পরিবেশ তৈরী হয়েছে? তাই আমাদের এক স্রষ্টার সৃষ্টির বন্ধনে আবদ্ধ হয়ে নিজেরদের মাঝে ভালোবাসা ও ভাতৃত্বের সুসম্পর্ক গড়ে তুলতে হবে যেন ঘৃণার সকল দেয়াল নিঃশেষ হয়ে যায়।

১. আমরা সকলেই এক মালিকের বান্দা ও দাস

প্রতিটি মুসলমানকে আল্লাহ তাআলা এই কথা বলতে বাধ্য করে দিয়েছেন। যে, সকল মানুষসহ বিশ্বজগতের প্রতিপালক একজন। তিনি হলেন আল্লাহ। আমরা যখন নামাজ পড়ি তখন প্রথমেই আমাদের পড়তে হয়।

আল্লাহ তায়ালা বলেন -

الْحَمْدُ لِلَّهِ رَبِّ الْعَالَمِينَ

অনুবাদ: সকল প্রশংসা আল্লাহ তাআলার জন্য যিনি সকল সৃষ্টি জগতের পালনকর্তা।^৬

রাসূলুল্লাহ সল্লাল্লাহু আলাইহি ওয়াসাল্লাম বলেন-

عن جابر بن عبد الله رضي الله عنهما قال: خطبنا رسول الله صلى الله عليه وسلم خطبة الوداع فقال: «يَا أَيُّهَا النَّاسُ: إِنَّ رَبَّكُمْ وَاحِدٌ، وَإِنَّ أَبَاكُمْ وَاحِدٌ، أَلَا لَا فَضْلَ لِعَرَبِيٍّ عَلَى عَجَبِيٍّ، وَلَا لِعَجَبِيٍّ عَلَى عَرَبِيٍّ، وَلَا لَأَحْمَرَ عَلَى أَسْوَدَ، وَلَا أَسْوَدَ عَلَى أَحْمَرَ، إِلَّا بِالتَّقْوَى، إِنَّ أَكْرَمَكُمْ عِنْدَ اللَّهِ أَتْقَاكُمْ، أَلَا هَلْ بَلَّغْتُ؟ قَالُوا: بَلَى يَا رَسُولَ اللَّهِ، قَالَ: فَلْيُبَيِّغِ الشَّاهِدُ الْغَائِبَ

জাবির ইবনে আবদুল্লাহ রা. কর্তৃক বর্ণিতঃ তিনি বলেন, রাসূলুল্লাহ সল্লাল্লাহু আলাইহি ওয়াসাল্লাম বিদায় হজ্বের ভাষণে বলেন। হে লোক সকল! নিশ্চয়ই তোমাদের পালনকর্তা এক, আর তোমাদের পিতা এক। আজমীদের (অনারব) উপর আরবীদের কোন শ্রেষ্ঠত্ব নেই। আবার আরবীদের উপর আজমীদের (অনারব) কোন শ্রেষ্ঠত্ব নেই। আর কালো বর্ণের উপর লাল বর্ণের কোন শ্রেষ্ঠত্ব নেই এবং কালো বর্ণের উপর লাল বর্ণের কোন শ্রেষ্ঠত্ব নেই। একমাত্র খোদাভীতি-ই শ্রেষ্ঠত্বের মানদণ্ড। নিশ্চয়ই আল্লাহর নিকট তোমাদের তাকওয়াই তোমাদের জন্য সম্মান। রাসূলুল্লাহ ^{আল্লাহ তায়ালা} বললেন আমি কি তোমাদের নিকট দ্বীন পৌঁছিয়েছি? উপস্থিত সাহাবাগণ বললেন, হ্যাঁ, হে আল্লাহর রসূল! ^{আল্লাহ তায়ালা} তিনি বলেছেন: তোমরা উপস্থিতগণ অনুপস্থিতদেরকে অবহিত করবে।

২. আমরা সমস্ত মানুষ এক পিতা মাতার সন্তান

আমাদের আদি পিতা হলেন আদম। পৃথিবীর প্রথম মানুষ তিনি। তারই সন্তান হলাম আমরা। আমাদের বংশ পরস্পর তার কাছে গিয়েই পৌঁছে। হিন্দু-খ্রিস্টান-মুসলিম সকলের গায়ে তার রক্ত বিরাজ করছে। আল্লাহ তাআলা বলেছেন- তোমরা সকলেই এক পিতা মাতার সন্তান।

^৬ সূরা ফাতেহা, আয়াত নং-১

আল্লাহ্ তায়ালা বলেন,

يَا أَيُّهَا النَّاسُ إِنَّا خَلَقْنَاكُمْ مِنْ ذَكَرٍ وَأُنْثَىٰ وَجَعَلْنَاكُمْ شُعُوبًا

وَقَبَائِلَ لِتَعَارَفُوا إِنَّ أَكْرَمَكُمْ عِنْدَ اللَّهِ أَتْقَاكُمْ إِنَّ اللَّهَ عَلِيمٌ خَبِيرٌ
হে মানব সকল! আমি তোমাদেরকে এক পুরুষ ও এক নারী থেকে সৃষ্টি করেছি এবং তোমাদেরকে বিভিন্ন জাতি ও গোত্রে বিভক্ত করেছি, যাতে তোমরা পরস্পরে পরিচিতি হও। নিশ্চয়ই আল্লাহ্র কাছে সে-ই সর্বাধিক সম্মানিত, যে সর্বাধিক পরহেযগার। নিশ্চয়ই আল্লাহ্ তায়ালা সর্বজ্ঞ, সবকিছুর খবর রাখেন।^৭

তাওহীদ

মৌলিক দাওয়াত: ইসলামের সবচেয়ে গুরুত্বপূর্ণ বিশ্বাস হলো তাওহীদের বিশ্বাস। তাই ভূমিকার পর একজন মাদউকে সর্বপ্রথম তাওহীদের দাওয়াত দেয়া। এটাই ছিল আশিয়া আ.-এর দাওয়াতের পদ্ধতি। এর মধ্যে ৩টি বিষয় উপস্থাপন করা যেতে পারে।

১. আল্লাহ্র পরিচয়।
২. শিরক না করা।
৩. বাতিল উপাস্যদের বাস্তবতা।

সর্বপ্রথম মাদউর সাথে আল্লাহ্র পরিচয় করাতে হবে। বছরের পর বছর অতিবাহিত হচ্ছে; কিন্তু আমাদের প্রতিবেশী অমুসলিমদের মাঝে তাদের প্রকৃত মালিকের পরিচয় পেশ করা হচ্ছে না। তারা এ বিষয়ে একেবারেই অজ্ঞ। তাদের অনেকে এতটুকু অনুভব করেন যে- একজন মহান শক্তিদর আছেন, যিনি আমাদের সৃষ্টিকর্তা ও মালিক। কিন্তু এই মালিকের সাথে তাদের কোন পরিচয় নেই। ফলে তারা যার মধ্যে কোন শক্তি দেখে, আল্লাহ্র

^৭ সূরা হুজুরাত, আয়াত নং-১২

গুণাবলী-এর কোন অংশ দেখলে তাকে আল্লাহ্ বা মালিক মনে করে বসে। যেমন, সূর্য, জমিন, মাটি, পাথর ইত্যাদি।

আমাদের উপাস্য কে?

অমুসলিম ভাই-বোনদেরকে বলতে হবে যে, একমাত্র আল্লাহ্ তায়ালাই হলেন আপনাদের ও আমাদের প্রতিপালক; অতএব শুধু তারই উপাসনা করতে হবে। আল্লাহ্ তায়ালা বলেন-

إِنَّ اللَّهَ رَبِّي وَرَبُّكُمْ فَاعْبُدُوهُ

নিশ্চয়ই আল্লাহ্ আমার পালনকর্তা এবং তোমাদেরও পালনকর্তা; তাঁর এবাদত কর।^৮

وَالْهَنَّا وَالْهَكُمُ وَاحِدٌ وَنَحْنُ لَهُ مُسْلِمُونَ

"আমাদের উপাস্য ও তোমাদের উপাস্য তো একই এবং আমরা তাঁরই প্রতি আত্মসমর্পণকারী।"^৯

আল্লাহ্র পরিচয়

قُلْ هُوَ اللَّهُ أَحَدٌ

বলুন, তিনি আল্লাহ্, এক।

اللَّهُ الصَّمَدُ

আল্লাহ্ অমুখাপেক্ষী।

لَمْ يَلِدْ وَلَمْ يُولَدْ

তিনি কাউকে জন্ম দেননি এবং কেউ তাকে জন্ম দেয়নি।

وَلَمْ يَكُنْ لَهُ كُفُوًا أَحَدٌ

এবং তার সমকক্ষ কেউ নেই।

^৮ সূরা আলে ইমরান আয়াত নং- ৫১

^৯ সূরা আনকাবুত, আয়াত নং-৪৬

আয়াতুল কুরসির আলোকে আল্লাহর পরিচয়

আয়াতুল কুরসির আলোকে অমুসলিমদের কাছে আল্লাহর পরিচয় করানো। তাদের সামনে আয়াতটি তেলাওয়াত করে অর্থ বলে দেয়া।

اللَّهُ لَا إِلَهَ إِلَّا هُوَ الْحَيُّ الْقَيُّومُ لَا تَأْخُذُهُ سِنَّةٌ وَلَا نَوْمٌ لَهُ مَا فِي السَّمَاوَاتِ وَمَا فِي الْأَرْضِ مَنْ ذَا الَّذِي يَشْفَعُ عِنْدَهُ إِلَّا بِإِذْنِهِ يَعْلَمُ مَا بَيْنَ أَيْدِيهِمْ وَمَا خَلْفَهُمْ ۖ وَلَا يُحِيطُونَ بِشَيْءٍ مِّنْ عِلْمِهِ إِلَّا بِمَا شَاءَ وَسِعَ كُرْسِيُّهُ السَّمَاوَاتِ وَالْأَرْضَ وَلَا يَئُودُهُ حِفْظُهُمَا وَهُوَ الْعَلِيُّ الْعَظِيمُ

অর্থ: আল্লাহ্ ছাড়া অন্য কোনো উপাস্য নেই। তিনি জীবিত, সবকিছুর ধারক। তাঁকে তন্দ্রাও স্পর্শ করতে পারে না এবং নিদ্রাও নয়। আসমান ও যমীনে যা কিছু রয়েছে, সবই তাঁর। কে আছে এমন, যে সুপারিশ করবে তাঁর কাছে তাঁর অনুমতি ছাড়া? দৃষ্টির সামনে কিংবা পিছনে যা কিছু রয়েছে সে সবই তিনি জানেন। তাঁর জ্ঞানসীমা থেকে তারা কোনো কিছুকেই পরিবেষ্টিত করতে পারে না, কিন্তু যতটুকু তিনি ইচ্ছা করেন। তাঁর সিংহাসন সমস্ত আসমান ও যমীনকে পরিবেষ্টন করে আছে। আর সেগুলোকে ধারণ করা তাঁর পক্ষে কঠিন নয়। তিনিই সর্বোচ্চ এবং সর্বাপেক্ষা মহান।^{১০}

^{১০} সূরা বাকারা-২৫৫

الَّذِي جَعَلَ لَكُمُ الْأَرْضَ فِرَاشًا وَالسَّمَاءَ بِنَاءً وَأَنْزَلَ مِنَ السَّمَاءِ مَاءً فَأَخْرَجَ بِهِ مِنَ الثَّمَرَاتِ رِزْقًا لَّكُمْ ۖ فَلَا تَجْعَلُوا لِلَّهِ أَندَادًا وَأَنْتُمْ تَعْلَمُونَ

যে পবিত্র সত্তা তোমাদের জন্য ভূমিকে বিছানা এবং আকাশকে ছাদ স্বরূপ স্থাপন করে দিয়েছেন, আর আকাশ থেকে পানি বর্ষণ করে তোমাদের জন্য ফল-ফসল উৎপাদন করেছেন তোমাদের খাদ্য হিসাবে। অতএব, আল্লাহর সাথে তোমরা অন্য কাউকে সমকক্ষ করো না। বস্তুতঃ এসব তোমরা জান।^{১১}

মানুষের জীবনের উদ্দেশ্য

এই দুনিয়াতে প্রতিটা জিনিসের কোন না কোন উদ্দেশ্য আছে। কোন কিছুই উদ্দেশ্যহীন নয়। তাই মানুষের জীবনেরও কোন বিশেষ উদ্দেশ্য আছে। কিন্তু মানুষের জীবনের উদ্দেশ্য কী? খাবার, ঘুম, ব্যবসা-বাণিজ্য, শৈশব, কৈশোর, যৌবন, বৃদ্ধ, মৃত্যু- এটাই কি মানুষের জীবনের অস্তিত্বের উদ্দেশ্য? এটাই যদি হয়, তাহলে এ কাজ তো জীবজন্তুও করে। তারাও খাবার খায়, ঘুমায়। তাদেরও শৈশব, যৌবন ও বার্ধক্য আসে। সেও একদিন দুনিয়া থেকে বিদায় নেয়। তাহলে মানুষ আর জীবজন্তুর মাঝে পার্থক্য রইল কী?

যেখানে মানুষকে আল্লাহ্ তায়ালা সৃষ্টিকুলের সেরা বানিয়েছেন, তাদেরকে বুদ্ধি ও অনুভূতি শক্তি দান করেছেন। ভালো-মন্দ পার্থক্য করার শক্তি দান করেছেন। যা পৃথিবীতে জিন ছাড়া আর কাউকে দান করা হয়নি। একথা প্রতীয়মান হয় মানুষকে সৃষ্টির বিশেষ কোন উদ্দেশ্য আছে। কিন্তু সেই বিশেষ উদ্দেশ্য কী? এটা অনেক বড় গুরুত্বপূর্ণ একটি প্রশ্ন। মানুষকে সৃষ্টির উদ্দেশ্য

^{১১} সূরা বাকারা, আয়াত নং-২২

মানুষের স্রষ্টাই নির্দিষ্ট করে দিয়েছেন। সেটা হলো তারা একমাত্র আল্লাহর উপাসনা করবে। আল্লাহ তা'আলা বলেন-

وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ.

আমার ইবাদত করার জন্যই আমি মানব ও জিন জাতি সৃষ্টি করেছি।^{১২}

يَا أَيُّهَا النَّاسُ اعْبُدُوا رَبَّكُمُ الَّذِي خَلَقَكُمْ وَالَّذِينَ مِنْ قَبْلِكُمْ لَعَلَّكُمْ تَتَّقُونَ.

হে মানব সমাজ! তোমরা তোমাদের পালনকর্তার ইবাদত কর, যিনি তোমাদিগকে এবং তোমাদের পূর্ববর্তীদিগকে সৃষ্টি করেছেন। তাতে আশা করা যায়, তোমরা পরহেযগারী অর্জন করতে পারবে।^{১৩}

আল্লাহ তাআলাই আমাদের আহারদাতা, সুস্থতা ও অসুস্থতার মালিক। আমরা যত নিয়ামত ভোগ করি সব তাঁরই সৃষ্টি। তারই দান। তাহলে তাঁকে ছাড়া আমরা কার ইবাদত করবো?

শিরক না করা:

আমরা কুরআনের আয়াত দিয়ে শিরক না করার দাওয়াত দিব। আল্লাহর কাছে সবচেয়ে বড় পাপ হলো শিরক। শিরককে আল্লাহ একেবারেই পছন্দ করেন না। তাই আল্লাহ তায়ালা তাঁর বান্দাদেরকে শিরক করতে নিষেধ করেছেন।

মহান আল্লাহ বলেছেন-

وَاعْبُدُوا اللَّهَ وَلَا تُشْرِكُوا بِهِ شَيْئًا.

^{১২} সূরা আয-যারিয়াত, আয়াত নং- ৫৬

^{১৩} সূরা বাকারা, আয়াত নং-২১

তোমরা আল্লাহর বন্দেগী বা দাসত্ব কর। কোন কিছুকে তার সাথে শরীক করবে না।^{১৪}

لَا تَجْعَلْ مَعَ اللَّهِ إِلَهًا آخَرَ

আল্লাহর সাথে অপর কোন ইলাহ (উপাস্য) নির্ধারণ করো না। তাহলে তুমি নিন্দিত ও লাঞ্ছিত হয়ে পড়বে।^{১৫}

শিরকের ক্ষতি

এবার আমরা কুরআন দিয়ে শিরকের ক্ষতি সমূহ বর্ণনা করব।

আল্লাহ তায়ালা শিরককারীকে কখনো ক্ষমা করবেন না।

إِنَّ اللَّهَ لَا يَغْفِرُ أَنْ يُشْرَكَ بِهِ وَيَغْفِرُ مَا دُونَ ذَلِكَ لِمَنْ يَشَاءُ وَمَنْ يُشْرِكْ بِاللَّهِ فَقَدْ افْتَرَىٰ إِثْمًا عَظِيمًا

আল্লাহ তাঁর সঙ্গে শরীক করার অপরাধ ক্ষমা করেন না; এ ছাড়া যাকে ইচ্ছে তার পাপ ক্ষমা করেন। যে আল্লাহর শরীক করে সে মহাপাপ করলো।^{১৬}

وَلَقَدْ أُوحِيَ إِلَيْكَ وَإِلَى الَّذِينَ مِنْ قَبْلِكَ لَئِنْ أَشْرَكْتَ لَيَحْبَطَنَّ عَمَلُكَ وَلَتَكُونَنَّ مِنَ الْخَاسِرِينَ

আপনার প্রতি এবং আপনার পূর্ববর্তীদের পতি প্রত্যাদেশ হয়েছে, যদি আল্লাহর শরীক স্থির করেন, তবে আপনার কর্ম নিষ্ফল হবে এবং আপনি ক্ষতিগ্রস্তদের একজন হবেন।^{১৭}

^{১৪} সূরা নিসা, আয়াত নং- ৩৬

^{১৫} সূরা ইসরা, আয়াত নং- ২২

^{১৬} সূরা নিসা আয়াত নং ৪৮

^{১৭} সূরা যুমার, আয়াত নং- ৬৫

বাতিল উপাস্যদের স্বরূপ

অমুসলিম ভাইগণ আল্লাহকে বাদ দিয়ে যেসব দেব-দেবীদের উপাসনা বা পূজা করে, তাদের স্বরূপ কী? তাদের ক্ষমতা কতটুকু তা কুরআনের মাধ্যমে অমুসলিমদের বলবো।

আল্লাহকে ছাড়া যাদের তোমরা উপাসনা কর তারা একটি মাছিও তৈরী করতে পারে না।

আল্লাহ তায়ালা বলেন-

يَا أَيُّهَا النَّاسُ ضُرِبَ مَثَلٌ فَاستَبِعُوا لَهُ إِنَّ الَّذِينَ تَدْعُونَ مِنْ دُونِ اللَّهِ لَنْ يَخْلُقُوا ذُبَابًا وَلَوْ اجْتَمَعُوا لَهُ وَإِنْ يَسْلُبْهُمُ الذُّبَابُ شَيْئًا لَا

يَسْتَنْقِذُوهُ مِنْهُ ضَعُفَ الطَّالِبُ وَالْمَطْلُوبُ

হে লোকসকল! একটি উপমা বর্ণনা করা হলো। অতএব, তোমরা তা মনোযোগ দিয়ে শোন; তোমরা আল্লাহর পরিবর্তে যাদের পূজা কর, তারা কখনও একটি মাছি সৃষ্টি করতে পারবে না, যদিও তারা সকলে একত্রিত হয়। আর মাছি যদি তাদের কাছ থেকে কোন কিছু ছিনিয়ে নেয়, তবে তারা তার কাছ থেকে তা উদ্ধার করতে পারবে না, প্রার্থনাকারী ও যার কাছে প্রার্থনা করা হয়, উভয়েই শক্তিহীন।^{১৮}

আল্লাহ তাআলা বলেন-

إِنَّ الَّذِينَ تَدْعُونَ مِنْ دُونِ اللَّهِ عِبَادُ أَمْثَلُكُمْ فَادْعُوهُمْ فَلْيَسْتَجِيبُوا لَكُمْ إِنْ كُنْتُمْ صَادِقِينَ

^{১৮} সূরা হাঙ্ক, আয়াত নং-৭৩

আল্লাহকে বাদ দিয়ে তোমরা যাদেরকে ডাক, তারা সবাই তোমাদের মতই বান্দা। অতএব, তোমরা যাদেরকে ডাকো, তখন তাদের পক্ষেও তো তোমাদের সে ডাক কবুল করা উচিত, যদি তোমরা সত্যবাদী হয়ে থাকো?^{১৯}

إِنْ تَدْعُوهُمْ لَا يَسْتَعُوا دُعَاءَكُمْ وَلَوْ سَبِعُوا مَا اسْتَجَابُوا لَكُمْ وَيَوْمَ الْقِيَامَةِ يَكْفُرُونَ بِشِرْكِكُمْ وَلَا يُنَبِّئُكَ مِثْلُ خَبِيرٍ.

তোমরা তাদেরকে ডাকলে তারা তোমাদের সে ডাক শোনে না। শুনলেও তোমাদের ডাকে সাড়া দেয় না। কেয়ামতের দিন তারা তোমাদের শিরক অস্বীকার করবে। বস্তুতঃ মহাজ্ঞানী (আল্লাহর) ন্যায় তোমাকে কেউ (ঘটনাবলী সম্পর্কে) অবহিত করতে পারবে না।^{২০}

আখিরাত (পরকাল)

পরকাল বিষয়ে কোরআনের আলোকে নিম্নে চারটি বাস্তবতা পেশ করছি।

মৃত্যু এমন এক বাস্তবতা যা অস্বীকার করার কোন উপায় নেই। কিন্তু মৃত্যুর পর কী হবে? এ বিষয়ে রয়েছে মতানৈক্য। কেউ বলে, মৃত্যুর পর পঁচে গলে শেষ হয়ে যাবে। যেমনটি বলতো মক্কার কাফের মুশরিকরা। আমাদের দেশের হিন্দুদের বড় একটি অংশ পুনর্জন্মকে বিশ্বাস করে। তাদের বিশ্বাস হল মানুষ তার কর্মের বিনিময়ে দুনিয়াতে ৮৪ লক্ষ যোনি গমন করে সর্বশেষ গিয়ে মিলে প্রভুর সাথে। কিন্তু আল্লাহ তাআলা কুরআন মাজিদে এই দৃষ্টিভঙ্গিকে অন্য এক আকিদা হিসেবে পেশ করেছে। যাকে আমরা পরকালে বিশ্বাস বলি। বিশ্বাস রয়েছে কিন্তু তাদের বিশ্বাসে যথেষ্ট বিকৃতি এসে গেছে।

^{১৯} সূরা আরাফ, আয়াত নং-১৯৪

^{২০} সূরা ফাতির, আয়াত নং-১৪

পরকালের প্রথম ধাপ

এবার কুরআনুল কারীমের মাধ্যমে অমুসলিমদের মাঝে পরকালের কয়েকটি ধাপ নিয়ে আলোচনা করবো।

পরকালের প্রথম ধাপ হলো মৃত্যু। অর্থাৎ নিজ প্রভুর কাছে ফিরে যাওয়া। যার কাছ থেকে এসেছি তার কাছে ফিরে যাবো।

মৃত্যুঃ

একদিন সকলকেই মৃত্যু বরণ করতে হবে। মৃত্যুর হাত থেকে কেউ ছাড় পাবে না। বড় বড় নাস্তিকরাও এই বাস্তবতাকে অস্বীকার করতে পারে না। কুরআনুল কারিম আমাদেরকে মৃত্যুর পরের জীবন সম্পর্কে অবহিত করে। তা হলো মৃত্যুর পর আল্লাহর কাছে যেতে হবে, হিসাব-নিকাশ হবে, জান্নাত-জাহান্নামের সিদ্ধান্ত হবে।

আল্লাহ তায়ালা বলেন-

كُلُّ نَفْسٍ ذَائِقَةُ الْمَوْتِ وَإِنَّمَا تُوَفَّوْنَ أَجُورَكُمْ يَوْمَ الْقِيَامَةِ فَمَنْ زُحِرَ عَنِ النَّارِ وَأُدْخِلَ الْجَنَّةَ فَقَدْ فَازَ وَمَا الْحَيَاةُ الدُّنْيَا إِلَّا مَتَاعُ الْغُرُورِ

"সমস্ত প্রাণীকেই মৃত্যুর স্বাদ গ্রহণ করতে হবে এবং নিশ্চয়ই কিয়ামতের দিন তোমাদের পূর্ণ প্রতিদান দেয়া হবে। তাই যারা দোষখের আগুন থেকে মুক্ত হয়েছে এবং জান্নাতে প্রবেশ করেছে, তারা নিশ্চয়ই সফলকাম। আর দুনিয়ার জীবন ছলনার বস্তু ছাড়া আর কিছু নয়।"^{২২}

আল্লাহ তায়ালা বলেন-

وَلَا يَتَمَنَّوْنَ أَبَدًا بِمَا قَدَّمَتْ أَيْدِيهِمْ ۚ وَاللَّهُ عَلِيمٌ بِالظَّالِمِينَ

^{২২} সূরা আলে ইমরান, আয়াত নং- ১৮৫

তারা নিজেদের কৃতকর্মের কারণে কখনও মৃত্যু কামনা করবে না। আল্লাহ জালেমদের সম্পর্কে সম্যক অবগত আছেন।^{২২}

قُلْ إِنَّ الْمَوْتَ الَّذِي تَفِرُّونَ مِنْهُ فَإِنَّهُ مُلَاقِيكُمْ ثُمَّ تُرَدُّونَ إِلَىٰ عَالِمِ الْغَيْبِ وَالشَّهَادَةِ فَيُنَبِّئُكُمْ بِمَا كُنْتُمْ تَعْمَلُونَ

বলুন, তোমরা যে মৃত্যু থেকে পলায়নপর, সেই মৃত্যু অবশ্যই তোমাদের মুখামুখি হবে, অতঃপর তোমরা অদৃশ্য, দৃশ্যের জ্ঞানী আল্লাহর কাছে উপস্থিত হবে। তিনি তোমাদেরকে জানিয়ে দিবেন সেসব কর্ম, যা তোমরা করতে।^{২৩}

আলমে বরযখ

لَعَلِّي أَعْمَلُ صَالِحًا فِيمَا تَرَكْتُ كَلَّا إِنَّهَا كَلِمَةٌ هُوَ قَائِلُهَا وَمِنْ وَرَائِهِمْ بَرْزَخٌ إِلَىٰ يَوْمِ يُبْعَثُونَ

যাতে আমি সৎ কাজ করতে পারি যা আমি করিনি। কক্ষনো না, এটা তো তার একটা কথার কথা মাত্র। তাদের সামনে পর্দা থাকবে পুনরুত্থানের দিন পর্যন্ত।^{২৪}

দুই জিনিসের মধ্যকার পর্দা ও আড়ালকে 'বারযাখ' বলে। ইহকাল ও পরকাল জীবনের মধ্যকার যে একটি জীবন রয়েছে, তাকেই 'বারযাখ' বলে আখ্যায়িত করা হয়েছে। কারণ, মৃত্যুর পরপরই পৃথিবীর সঙ্গে মানুষের সম্পর্ক ছিন্ন হয়ে যায়।

আর আখিরাতের জীবন তখন শুরু হবে, যখন সমস্ত মানুষকে পুনর্বীর জীবিত করা হবে। এর মধ্যকার জীবন যে খানে মানুষের রুহ বা আত্মা থাকবে, এখানেই মানুষের আত্মার উপর

^{২২} সূরা জুমুআ, আয়াত নং-৭

^{২৩} সূরা জুমুআ, আয়াত নং-৮

^{২৪} সূরা মুমিনুন-১০০

শান্তি বা নেয়ামত দান করা হবে। বিশ্বাসী ঈমানদার হলে আরাম তথা শান্তি ভোগ করবে। আর বেঈমান কাফের হলে শান্তি ভোগ করবে। চাই মানুষকে কবরে বা পশু-পক্ষীর পেটে কিংবা পুড়িয়ে ছাই করে দেওয়া হোক কিন্তু তার রুহ যেই স্থানে থাকবে সেটা হবে 'বারযাখী জীবন'। মানুষের এই অস্তিত্ব যেখানেই থাক আর যেভাবেই থাক, শেষ পর্যন্ত মাটিতে মিশে মাটিতে পরিণত হবে অথবা ছাই হয়ে হাওয়ায় উড়ে যাবে, অথবা সমুদ্রে ভাসিয়ে দেয়া হবে অথবা কোন জন্তুর খাদ্যে পরিণত হবে। পরিশেষে, মহান আল্লাহ্ সকলকে এক নতুন অস্তিত্ব দান করে হাশরের মাঠে জমা করবেন।

কেয়ামত:

এক দিন এমন আসবে যখন কেয়ামত প্রতিষ্ঠিত হবে। পৃথিবীর সব কিছু ধ্বংস হয়ে যাবে। অবশিষ্ট থাকবে শুধু আল্লাহর সত্ত্বা। এরপর আবার আল্লাহ্ তায়ালা সকল মানুষকে পুনরায় জীবিত করবেন, বিচার-ব্যবস্থা করবেন। যেই মালিক সৃষ্টি করেছেন, খাইয়েছেন, পান করিয়েছেন, যিনি মানুষকে জীবন দান করেন, মৃত্যু দান করেন, তিনি একদিন আমাদের কর্মের সমস্ত ব্যাপারে জিজ্ঞাসা করবেন যে, তোমরা দুনিয়াতে কী করে এসেছো? ভালো কর্ম না মন্দ কর্ম?

আল্লাহ্ তায়ালা বলেন-

إِنَّ السَّاعَةَ لَأْتِيَةٌ لَا رَيْبَ فِيهَا وَلَكِنَّ النَّاسَ لَا يُؤْمِنُونَ

নিশ্চয়ই কিয়ামত আসবেই, এতে কোন সন্দেহ নেই। কিন্তু অধিকাংশ লোক ঈমান আনে না।^{২৫}

يَا أَيُّهَا النَّاسُ اتَّقُوا رَبَّكُمُ ۖ إِنَّ زَلْزَلَةَ السَّاعَةِ شَيْءٌ عَظِيمٌ

^{২৫} সূরা গাফির, আয়াত নং-৫৯

হে মানুষ, তোমরা তোমাদের রবকে ভয় কর। নিশ্চয় কিয়ামতের প্রকম্পন এক ভয়ঙ্কর ব্যাপার।^{২৬}

হিসাব-নিকাশ:

এবার আমরা পরকালের একটি অন্যতম ধাপ নিয়ে আলোচনা করবো। সেটা হলো আমলের হিসাব-নিকাশ। কেয়ামত দিবসে সকল মানুষকে তার কর্মের ব্যাপারে জিজ্ঞাসা করবেন।

আল্লাহ্ তায়ালা বলেন-

يَوْمَئِذٍ يَصْدُرُ النَّاسُ أَشْتَاتًا لِّيُرَوْا أَعْمَالَهُمْ

সেদিন মানুষ বিভিন্ন দলে প্রকাশ পাবে, যাতে তাদেরকে তাদের কৃতকর্ম দেখানো হয়।^{২৭}

فَمَنْ يَعْمَلْ مِثْقَالَ ذَرَّةٍ خَيْرًا يَرَهُ

অতঃপর কেউ অণু পরিমাণ সৎকর্ম করলে তা দেখতে পাবে।^{২৮}

وَمَنْ يَعْمَلْ مِثْقَالَ ذَرَّةٍ شَرًّا يَرَهُ

এবং কেউ অণু পরিমাণ অসৎকর্ম করলে তাও দেখতে পাবে।^{২৯}

وَكُلَّ إِنْسَانٍ أَلْزَمْنَاهُ طَائِرَهُ فِي عُنُقِهِ وَنُخْرِجُ لَهُ يَوْمَ الْقِيَامَةِ كِتَابًا يَلْقَاهُ مَنْشُورًا

আর আমি প্রত্যেক মানুষের কর্মকে তার ঘাড়ের সংযুক্ত করে দিয়েছি এবং কিয়ামতের দিন তার জন্য আমি বের করব একটি কিতাব, যা সে পাবে উন্মুক্ত।^{৩০}

^{২৬} সূরা হাজ্জ, আয়াত নং-৭

^{২৭} সূরা যিলযাল, আয়াত নং-৬

^{২৮} সূরা যিলযাল, আয়াত নং-৭

^{২৯} সূরা যিলযাল, আয়াত নং-৮

^{৩০} সূরা ইসরা, আয়াত নং-১৩

সত্য গ্রহণকারীর জন্য জান্নাত:

এপর্যায়ে যারা ঈমান আনবে তাদের পুরস্কার কি হবে এসব বিষয় নিয়ে আলোচনা করবো।

যে ব্যক্তি আল্লাহকে এবং আল্লাহর পাঠানো একমাত্র ধর্ম ইসলামকে মেনে নেয় এবং আল্লাহর আদেশ-নিষেধ পালন করে। আল্লাহর বান্দার সাথে ভালো ব্যবহার করে অর্থাৎ আল্লাহ তাআলার হুক ও বান্দার হুক আদায় করার সর্বাত্মক চেষ্টা করা। তার উপর তার প্রতিপালক আল্লাহ খুশি হয়ে যান। আর তার ঠিকানা হয় চিরস্থায়ী জান্নাত। আল্লাহ তাআলা বলেন-

وَعَدَ اللَّهُ الْمُؤْمِنِينَ وَالْمُؤْمِنَاتِ جَنَّاتٍ تَجْرِي مِنْ تَحْتِهَا الْأَنْهَارُ خَالِدِينَ فِيهَا وَمَسَاكِنَ طَيِّبَةً فِي جَنَّاتِ عَدْنٍ وَرِضْوَانٌ مِنَ اللَّهِ أَكْبَرُ ذَلِكَ هُوَ الْفَوْزُ الْعَظِيمُ

“আল্লাহ ঈমানদার নর-নারীকে প্রতিশ্রুতি দিয়েছেন বেহেশতি উদ্যানের। যার নিম্নদেশে নদী প্রবাহিত; তারা সেখানে চিরস্থায়ী হবে এবং সে সকল উদ্যানে থাকবে পরিচ্ছন্ন থাকার ঘর। বস্তৃত এগুলোর মাঝে সবচেয়ে বড় ও সর্বশ্রেষ্ঠ হচ্ছে আল্লাহর সমৃদ্ধি। এটিই হলো মহান কৃতজ্ঞতা।”^{৩১}

وَأَمَّا مَنْ خَافَ مَقَامَ رَبِّهِ وَنَهَى النَّفْسَ عَنِ الْهَوَىٰ

পক্ষান্তরে, যে ব্যক্তি তার পালনকর্তার সামনে দন্ডায়মান হওয়াকে ভয় করেছে এবং খেয়াল-খুশী থেকে নিজেকে নিবৃত্ত রেখেছে।^{৩২}

إِنَّ الَّذِينَ آمَنُوا وَعَمِلُوا الصَّالِحَاتِ أُولَٰئِكَ هُمْ خَيْرُ الْبَرِيَّةِ

যারা ঈমান আনে ও সৎকর্ম করে, তারাই সৃষ্টির সেরা।

^{৩১} সূরা তাওবা, আয়াত নং-৭২

^{৩২} সূরা আন-নাযিয়াত, আয়াত নং-৪০

جَزَاؤُهُمْ عِنْدَ رَبِّهِمْ جَنَّاتٌ عَدْنٍ تَجْرِي مِنْ تَحْتِهَا الْأَنْهَارُ

খালিদীন ফিহা আব্দা রযি আল্লাহু عنহুম ওরযুওয়া এন্নে ডালিক লিন খশী রব্বহু তাদের পালনকর্তার কাছে রয়েছে তাদের প্রতিদান চিরকাল বসবাসের জান্নাত, যার তলদেশে নির্ঝরিতী প্রবাহিত। তারা সেখানে থাকবে অনন্তকাল। আল্লাহ তাদের প্রতি সমৃদ্ধ এবং তারা আল্লাহর প্রতি সমৃদ্ধ। এটা তার জন্য, যে তার পালনকর্তাকে ভয় করে।^{৩৩}

সত্য প্রত্যাখানকারীর জন্য জাহান্নাম:

ইসলামের দাওয়াত পাওয়ার পরও যারা ঈমান আনবে না, ইসলাম গ্রহণ করবে না তাদের কী ধরনের শাস্তি হবে এসব বিষয় নিয়ে আমরা আলোচনা করবো। যেই ব্যক্তি আল্লাহ এবং তার ধর্মকে গ্রহণ করবেনা সে চিরস্থায়ী জাহান্নামে অবস্থান করবে। আল্লাহ তায়ালা বলেন-

وَالَّذِينَ كَفَرُوا وَكَذَّبُوا بِآيَاتِنَا أُولَٰئِكَ أَصْحَابُ النَّارِ هُمْ فِيهَا خَالِدُونَ

আর যে লোক তা অস্বীকার করবে এবং আমার নিদর্শনগুলোকে মিথ্যা প্রতিপন্ন করার প্রয়াস পাবে, তারাই হবে জাহান্নামবাসী; অনন্তকাল সেখানে থাকবে।^{৩৪}

أَمَّا مَنْ طَغَىٰ

তখন যে ব্যক্তি সীমালংঘন করেছে।^{৩৫}

وَأَثَرَ الْحَيَاةِ الدُّنْيَا

^{৩৩} সূরা বাইয়্যিনাহ, আয়াত নং- ৭-৮

^{৩৪} সূরা বাকার, আয়াত নং-৩৯

^{৩৫} সূরা নাজিয়াত, আয়াত নং-৩৭

এবং পার্থিব জীবনকে অগ্রাধিকার দিয়েছে।^{৩৬}

فَإِنَّ الْجَحِيمَ هِيَ الْمَأْوَىٰ

তার ঠিকানা হবে জাহান্নাম।^{৩৭}

আল্লাহ্ তা'আলা তাদের শাস্তি সম্পর্কে আরো বলেন-

بُذِنَ خَصْمَيْنِ اِخْتَصَمُوا فِي رَبِّهِمْ ۚ فَالَّذِينَ كَفَرُوا قُطِعَتْ لَهُمْ ثِيَابٌ
مِّنْ نَّارٍ يُصَبُّ مِنْ فَوْقِ رُءُوسِهِمُ الْحَمِيمُ ﴿١٩﴾

এরা দু'টি বিবাদমান পক্ষ, যারা তাদের রব সম্পর্কে বিতর্ক করে।
তবে যারা কুফরী করে তাদের জন্য আগুনের পোশাক প্রস্তুত করা
হয়েছে। তাদের মাথার উপর থেকে ঢেলে দেয়া হবে ফুটন্ত পানি।

يُضْهِرُّ بِهِ مَآ فِي بُطُونِهِمْ وَالْجُلُودُ ﴿٢٠﴾

যার দ্বারা তাদের পেটের অভ্যন্তরে যা কিছু রয়েছে তা ও তাদের
চামড়াসমূহ বিগলিত করা হবে।

وَلَهُمْ مَّقَامِعٌ مِنْ حَدِيدٍ ﴿٢١﴾

আর তাদের জন্য থাকবে লোহার হাতুড়ি।

كَلَّمَآ أَرَادُوْا أَنْ يَخْرُجُوْا مِنْهَا مِنْ غَمٍّ أُعِيْدُوْا فِيْهَا * وَذُوقُوْا عَذَابَ

الْحَرِيْقِ ﴿٢٢﴾

যখনই তারা যন্ত্রণাকাতর হয়ে তা থেকে বের হয়ে আসতে চাইবে,
তখনই তাদেরকে তাতে ফিরিয়ে দেয়া হবে এবং বলা হবে,
দহন-যন্ত্রণা আশ্বাদন কর।^{৩৮}

^{৩৬} সূরা নাজিয়াত, আয়াত নং-৩৮

^{৩৭} সূরা নাজিয়াত, আয়াত নং-৩৯

^{৩৮} সূরা হুজ্ব, আয়াত নং- ১৯-২২

রিসালাত

তাওহীদ ও আখিরাতের পর আমরা রিসালাতের দাওয়াত দিব।
রিসালাতের বিষয়টি শেষে আনার কারণ হলো সাধারণত
অমুসলিমরা তাওহীদ ও আখিরাত সহজে মেনে নেয়। রিসালাতের
বিষয়টি মানতে একটু বিলম্ব করে। ফলে দাওয়াতের দুই ভাগ
গ্রহণ করলো; বাকি থাকলো এক ভাগ। সেটাও একসময় গ্রহণ
করে নিবে। আল্লাহ্ তায়ালা মানুষের বৈশ্বিক বিষয়ে সব কিছু
ব্যবস্থা করেছেন। তেমনি হেদায়াতের জন্য পথ প্রদর্শকেরও
ব্যবস্থা করেছেন। আল্লাহ্ তা'আলা বলেন-

إِنَّ النَّاسَ أُمَّةٌ وَاحِدَةٌ ۚ فَبَعَثَ اللَّهُ النَّبِيِّنَ مُبَشِّرِينَ وَمُنْذِرِينَ

মানুষ ছিল এক উম্মত। অতঃপর আল্লাহ্ সুসংবাদদাতা ও
সতর্ককারীরূপে নবীগণকে প্রেরণ করলেন।^{৩৯}

একত্ববাদ ও পরকালের বিষয়ে এ পর্যন্ত যা কিছু বলা হলো এগুলো
আমরা কীভাবে জানলাম? আল্লাহ্র ধর্ম আমাদের পর্যন্ত কীভাবে
পৌঁছলো?

এর উত্তর একেবারেই সহজ। তা হলো- এসব আমাদের কাছে
পৌঁছেছে রিসালাতের মাধ্যমে।

রিসালাত কী?

রিসালাতের সারমর্ম হলো- আল্লাহ্ তায়ালা মানুষের হেদায়েতের
জন্য কিতাব অবতীর্ণ করেছেন। আশ্বিয়া আ. গণ-কে পাঠিয়েছেন
যাতে মানুষ একথা না বলতে পারে যে, আমরা তো কিছুই
জানতাম না। বিভিন্ন অঞ্চলে ও জাতির কাছে আল্লাহ্ তা'আলা
পৃথক পৃথক নবী ও রাসুল পাঠিয়েছেন। কিন্তু সকলের ধর্ম ও বার্তা
ছিল একই। আর সর্বশেষ আল্লাহ্ তায়ালা হযরত মুহাম্মাদ সাল্লাল্

^{৩৯} সূরা বাকারা, আয়াত নং-২১৩

আলাইহি ওয়াসাল্লামকে পাঠিছেন। নির্দেশ দিয়েছেন যে হে মুহাম্মাদ (সাল্লাহু আলাইহি ওয়াসাল্লাম) আপনি বলেদিন, হে লোক সকল আমি তোমাদের জন্য নবী হয়ে প্রেরিত হয়েছি।
আল্লাহ্ তায়ালা বলেন-

إِنَّ النَّاسَ أُمَّةٌ وَاحِدَةٌ فَبَعَثَ اللَّهُ النَّبِيِّنَ مُبَشِّرِينَ وَمُنْذِرِينَ وَأَنْزَلَ مَعَهُمُ الْكِتَابَ بِالْحَقِّ لِيَحْكُمَ بَيْنَ النَّاسِ فِي مَا اخْتَلَفُوا فِيهِ وَمَا اخْتَلَفَ فِيهِ إِلَّا الَّذِينَ أُوتُوهُ مِنْ بَعْدِ مَا جَاءَتْهُمْ الْبَيِّنَاتُ بَغْيًا بَيْنَهُمْ فَهَدَى اللَّهُ الَّذِينَ آمَنُوا لِمَا اخْتَلَفُوا فِيهِ مِنَ الْحَقِّ بِآذِنِهِ وَاللَّهُ يَهْدِي مَنْ يَشَاءُ إِلَى صِرَاطٍ مُسْتَقِيمٍ .

মানুষ ছিল এক উম্মত। অতঃপর আল্লাহ্ তা'আলা কীভাবে সুসংবাদদাতা ও সতর্ককারীরূপে নবীদেরকে প্রেরণ করলেন এবং সত্যসহ তাদের সাথে কিতাব নাযিল করলেন, যাতে মানুষের মধ্যে ফয়সালা করেন, যে বিষয়ে তারা মতবিরোধ কআর তা রাই তাতে মতবিরোধ করেছিল, যাদেরকে তা দেয়া হয়েছিল, তাদের নিকট স্পষ্ট নিদর্শন আসার পরও পরস্পরের মধ্যে বিদ্বেষবশত। অতঃপর আল্লাহ্ নিজ অনুগ্রহে মুমিনদেরকে হিদায়াত দিলেন যে বিষয়ে তারা মতবিরোধ করছিল। আর আল্লাহ্ যাকে ইচ্ছা করেন সরল পথের দিকে হেদায়েত দেন।^{৪০}

^{৪০} সূরা বাকারা, আয়াত নং-২১৩

সকল নবীর দাওয়াত ছিল এক ও অভিন্ন:

আল্লাহ্ তায়ালা বলেন-

وَمَا أَرْسَلْنَا مِنْ قَبْلِكَ مِنْ رَسُولٍ إِلَّا نُوحِي إِلَيْهِ أَنَّهُ لَا إِلَهَ إِلَّا أَنَا فَاعْبُدُونِ

আপনার পূর্বে আমি যে রাসূলই প্রেরণ করেছি, তাকে এ আদেশ দিয়েই প্রেরণ করেছি যে, আমি ব্যতীত অন্য কোন উপাস্য নেই। সুতরাং আমারই ইবাদত কর।^{৪১}

وَلَقَدْ بَعَثْنَا فِي كُلِّ أُمَّةٍ رَسُولًا أَنْ اعْبُدُوا اللَّهَ وَاجْتَنِبُوا الطَّاغُوتَ فَمِنْهُمْ مَنْ هَدَى اللَّهُ وَمِنْهُمْ مَنْ حَقَّتْ عَلَيْهِ الضَّلَالَةُ فَسِيرُوا فِي الْأَرْضِ فَانظُرُوا كَيْفَ كَانَ عَاقِبَةُ الْمُكَذِّبِينَ

আমি প্রত্যেক উম্মতের মধ্যেই রাসূল প্রেরণ করেছি এই মর্মে যে, তোমরা আল্লাহ্র ইবাদত কর এবং তাগুত থেকে নিরাপদ থাক। অতঃপর তাদের মধ্যে কিছু সংখ্যককে আল্লাহ্ হেদায়েত দান করেছেন এবং কিছু সংখ্যকের জন্যে বিপথগামিতা অবধারিত হয়ে গেল। সুতরাং, তোমরা পৃথিবীতে ভ্রমণ কর এবং দেখ মিথ্যারোপকারীদের কী পরিণতি হয়েছে।^{৪২}

^{৪১} সূরা আশ্বিয়া, আয়াত নং-২৫

^{৪২} সূরা নাহল, আয়াত নং-৩৬

মুহাম্মাদ ﷺ সকলের নবী

আল্লাহ্ তায়ালা বলেন-

قُلْ يَا أَيُّهَا النَّاسُ إِنِّي رَسُولُ اللَّهِ إِلَيْكُمْ جَمِيعًا الَّذِي لَهُ مُلْكُ
السَّمَاوَاتِ وَالْأَرْضِ لَا إِلَهَ إِلَّا هُوَ يُحْيِي وَيُمِيتُ فَأَمُؤُوا بِاللَّهِ وَرَسُولِهِ
النَّبِيِّ الْأُمِّيِّ الَّذِي يُؤْمِنُ بِاللَّهِ وَكَلِمَاتِهِ وَاتَّبِعُوهُ لَعَلَّكُمْ تَهْتَدُونَ

বলে দাও, হে মানব মন্ডলী। তোমাদের সবার প্রতি আমি আল্লাহ্র প্রেরিত রাসূল, সমগ্র আসমান ও যমীনে তাঁর রাজত্ব। একমাত্র তাকে ছাড়া আর কারো উপাসনা নয়। তিনি জীবন ও মৃত্যু দান করেন। সুতরাং তোমরা সবাই বিশ্বাস স্থাপন করো আল্লাহ্র উপর, তাঁর প্রেরিত উম্মী নবীর উপর, যিনি বিশ্বাস রাখেন আল্লাহ্র এবং তাঁর সমস্ত কালামের উপর। তাঁর অনুসরণ কর যাতে সরল পথপ্রাপ্ত হতে পারো।^{৪৭}

لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِّمَن كَانَ يَرْجُو اللَّهَ وَالْيَوْمَ
الْآخِرَ وَذَكَرَ اللَّهَ كَثِيرًا

“যারা আল্লাহ্ ও শেষ দিবসের প্রতি বিশ্বাস রাখে এবং আল্লাহকে অধিক পরিমাণে স্মরণ করে, নিঃসন্দেহে তাদের জন্য রাসূলুল্লাহর (জীবনীর) মধ্যে সর্বোত্তম আদর্শ রয়েছে।”^{৪৮}

আল্লাহ্ তায়ালা বলেন-

قُلْ أَطِيعُوا اللَّهَ وَالرَّسُولَ فَإِن تَوَلَّوْا فَإِنَّ اللَّهَ لَا يُحِبُّ الْكَافِرِينَ

^{৪৭} সূরা আরাফ, আয়াত নং-৭:১৫৮

^{৪৮} সূরা আহযাব, আয়াত নং-২১

"আপনি বলুন: আল্লাহ্ ও রাসূলের আনুগত্য করো, যদি তারা মুখ ফিরিয়ে নেয় (অর্থাৎ আনুগত্য না করে) তাহলে তাদের জানিয়ে দিন আল্লাহ্ অবিশ্বাসীদের ভালোবাসেন না।^{৪৭}

কুরআন:

কুরআন হল পৃথিবীর সকল মানুষের জন্য সর্বশেষ নবীকে আল্লাহ্ তায়ালা এমন এক কিতাব দান করেছেন যা পিছনের সকল কিতাবকে সত্যায়ন করে, ;যনি এই কিতাবের সংরক্ষক। সকল জাতি ও ধর্মের মাঝে মতানৈক্য শেষকারী, তাই শেষ কিতাবকে যখন নাজিল করেছেন তখন কোনো নির্দিষ্ট জাতি বা দেশ বা কোনো গোত্রের জন্য অবতীর্ণ করেননি। বরং পুরো দুনিয়ার সকল মানুষের জন্য অবতীর্ণ করেছেন। কোন জাতিকে ইজারা দারী দেননি। এটাই সেই কিতাব যার উপর ইসলামের বুনিয়াদ। এটা হলো থিউরিকেল মেথড, নবীজীর সিরাত হলো ইসলামের প্রেক্ষিকেল।

কুরআন সকলের জন্য

আল্লাহ্ তায়ালা বলেন-

شَهْرُ رَمَضَانَ الَّذِي أُنْزِلَ فِيهِ الْقُرْآنُ هُدًى لِّلنَّاسِ

রমযান মাসই হল সে মাস, যাতে নাযিল করা হয়েছে কোরআন, যা মানুষের জন্য হেদায়েত।^{৪৮}

تَبَرَّكَ الَّذِي نَزَّلَ الْفُرْقَانَ عَلَى عَبْدِهِ لِيَكُونَ لِلْعَالَمِينَ نَذِيرًا ﴿١﴾

তিনি বরকতময় যিনি তাঁর বান্দার উপর ফুরকান নাযিল করেছেন যেন সে জগতবাসীর জন্য সতর্ককারী হতে পারে।^{৪৯}

^{৪৭} সূরা আলে ইমরান, আয়াত নং-৩২

^{৪৮} সূরা বাকারা, আয়াত নং-১৮৫

^{৪৯} সূরা ফুরকান, আয়াত নং- ১

ধর্ম একটিই:

এপর্যায়ে আমরা ইসলাম ধর্মের পরিচয় দিব এবং ইসলামের দাওয়াত প্রদান করব।

ধর্ম একটিই সেটা হলো ইসলাম। ইসলাম অর্থ শান্তি। আল্লাহ্ তায়ালা বলেন-

إِنَّ الدِّينَ عِنْدَ اللَّهِ الْإِسْلَامُ

"নিঃসন্দেহে আল্লাহ্র কাছে গ্রহণযোগ্য ধর্ম একমাত্র ইসলাম।"^{৪৮}

আল্লাহ্ তায়ালা ঘোষণা করেছেন-

وَمَنْ يَبْتَغِ غَيْرَ الْإِسْلَامِ دِينًا فَلَنْ يُقْبَلَ مِنْهُ وَهُوَ فِي الْآخِرَةِ مِنَ الْخَاسِرِينَ

এবং যে ইসলাম ছাড়া অন্য কিছুকে ধর্ম হিসেবে তালাশ করবে তা আল্লাহ্র কাছে গ্রহণযোগ্য নয়, পরকালে সে ক্ষতিগ্রস্ত হবে।^{৪৯}

কুরআনের আয়াত ও যুক্তির মাধ্যমে তাদের কাছে ইসলামের দাওয়াত পৌঁছাতে হবে। ইসলাম গ্রহণ করলে জান্নাত, না মানলে জাহান্নাম।

কালেমা শাহাদাত:

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ

ওসুলুল্লাহ সাল্লাল্লাহু আলাইহি ওয়া সাল্লাম বলেছেন, “যে ব্যক্তি পূর্ণভাবে ওয়ু করবে এবং কালিমা শাহাদাত পাঠ করবে, তার জন্য

^{৪৮} সূরা আলে ইমরান, আয়াত নং-১৯

^{৪৯} সূরা আলে ইমরান, আয়াত নং-৮৫

জান্নাতের আটটি দরজাই খুলে দেয়া হবে, সে যেটা দিয়ে ইচ্ছা প্রবেশ করতে পারবে।^{৫০}

কালেমা শাহাদাত কোন মন্ত্র না যে এটাকে শুধু জপ করবে নিশ্চিত জান্নাত। বরং এটা একটি অঙ্গীকার বা শপথ। যার অর্থ হলো এই, হে আল্লাহ্! আমি আপনাকে হাজির-নাজির জেনে এই অঙ্গীকার করছি এবং সাক্ষ্য দিচ্ছি যে শুধু আপনিই একমাত্র উপসনার উপযুক্ত। আপনি এক ও অদ্বিতীয়। আপনার সাথে কোন অংশীদার নেই। আজ থেকে শুধু আপনারই ইবাদত ও দাসত্ব করব। আপনি ছাড়া আর কারো উপাসনা করবো না। হযরত মুহাম্মদ সাল্লাল্লাহু আলাইহি ওয়াসাল্লাম আল্লাহ্র বান্দা ও রাসূল। যখন কেউ বিশুদ্ধ অন্তরে কালেমা শাহাদাত পড়ে নেয় তখন তার সাথে ওই সময় ওয়াদা নেয়া হয়।

যে ব্যক্তি আমাদের দাওয়াত গ্রহণ করবে, শাহাদাহ পড়বে তাকে বলা আজ থেকে আপনি পাক-পবিত্র থাকবেন। আপনি আজকে এক আল্লাহ্র উপাসনা করার অঙ্গীকার করেছেন। তাই আজ হতে আল্লাহ্ ছাড়া আর কারো উপাসনা করবেন না। কোন ভাবেই তার সাথে শিরক করবেন না। জীবন চলে গেলেও না। এই কালেমা শাহাদাত হলো আপনার মালিকের সাথে অঙ্গীকার। এর প্রতি খেয়াল রাখবেন।

শেষ কথা

উপরের আলোচনা গুলো যখন মাদউর পেশ করলেন তখন কেমন জানি আপনি তার সামনে তাবলীগ করলেন। আপনার কথাগুলো গ্রহণ করতে চাইলো। তাহলে দাওয়াত হয়ে গেল। কিন্তু এখনো দাওয়াত ও তাবলীগের হক আদায় হয়নি। এর হক তখনই আদায় হবে যখন আশ্বিয়া আলাইহিস সালামের মতো এই পরিমাণ দাওয়াত দিবো যাতে এতমামে হুজ্জাত প্রতিষ্ঠা হয়ে যায়। আপনার

^{৫০} মুসলিম ১/২০৯, মিশকাতঃ ২৮৯

প্রচেষ্টায় যখন কেউ ইসলাম গ্রহণ করবে এতে কাজ শেষ হবে না। বরং এখন থেকে কাজ শুরু হবে। যেমন, কৃষক যখন কোনো জমিতে বীজ বপন করে সেদিন থেকে কৃষি কাজ শুরু হয়। এরপর তার উপর মেহনত কওে, তার দেখাশোনা করে। ক্ষেতের যা কিছু প্রয়োজন তা পূরণ করে। যেমন সার, বিষ ইত্যাদি। আবাদি জমির ফসল পাকার পর কৃষক ফসল কেটে ঘরে তুলে। তদ্রূপ কোন দা'যীর প্রচেষ্টায় কেউ শাহাদাহ পড়ে মুসলমান হয়। সেদিন থেকে দা'যীর কার্যক্রম শুরু হয়ে যায়। এবার দা'যীর উচিত সে মন লাগিয়ে তার উপর মেহনত করবে। তার দেখাশোনা করবে। তার প্রয়োজন পূরণ করার চেষ্টা করবে। যাতে সে একদিন পাকাপোক্ত হয়ে যায় এবং পাক্কা মুসলমান হয়ে যায়।

পাঠের সারাংশ:

দাওয়াতের বিভিন্ন পদ্ধতির মধ্যে দাওয়াত বিল কুরআন হল সবচেয়ে সহজ। সংক্ষিপ্ত ও ফলপ্রসূ। সুন্নাহ'র খুব কাছাকাছি। এ পদ্ধতিতে মাদউর সামনে কোরআন তেলাওয়াত করা হয় এবং আয়াতের আলোকে দাওয়াত দেওয়া হয়। দাওয়াতের বিশেষ ৬ টি বিষয়। যথা: তাওহীদ, রেসালাত, আখেরাত, কালেমা শাহাদত।

অনুশীলন:

১. দাওয়াত বিল কুরআন কি?
২. দাওয়াতের বিশেষ ৬ টি পয়েন্ট কি কি?
৩. মানুষের জীবনের উদ্দেশ্য কি?
৪. সূরা ইখলাস এর আলোকে আল্লাহ'র পরিচয় কি?
৫. পরকালের ৪ স্তর কি কি?

প্রিয় পাঠক! এপর্যায়ে আপনাদের সামনে দাওয়াত বিল কুরআনের বাস্তব কিছু নমুনা পেশ করছি। নবীজী সাল্লাল্লাহু আলাইহি ওয়াসাল্লাম মানুষকে কুরআন দিয়ে দাওয়াত দিয়েছেন। বিভিন্ন গোত্রে কুরআনের আয়াত শুনিয়ে ইসলাম প্রচার করেছেন। এসব অসংখ্য ঘটনা সমূহের মধ্যে থেকে কয়েকটি ঘটনা পাঠকদের বুঝার সুবিধার্থে এখানে পেশ করছি। সাথে এমন কিছু নওমুসলিমদের ঘটনাও পেশ করছি যারা কুরআন পড়ে শুনে বা গবেষণা করে ইসলামের সুশীতল ছায়াতলে আশ্রয় গ্রহণ করছে।

তায়্যেফের বাজারে নবীজির দাওয়াত:

রাসূলুল্লাহ সাল্লাল্লাহু আলাইহি ওয়াসাল্লাম যেখানেই যেতেন মানুষকে কুরআন পড়ে শোনাতেন। কোরআনের আয়াত তেলাওয়াত করে মানুষকে ইসলামের দাওয়াত দিতেন। নবীজি যখন তায়্যেফের বাজারে মানুষকে ইসলামের দাওয়াত দিয়েছিলেন তখনও কোরআন তেলাওয়াত করে শোনাচ্ছিলেন।

আব্দুর রহমান ইবনে খালিদ আদওয়ানি তার পিতা থেকে বর্ণনা করেন। রাসূলুল্লাহ সাল্লাল্লাহু আলাইহি ওয়াসাল্লাম যখন বনু সাকিফের কাছে সাহায্য চাইতে গেলেন তখন আমি নবীজিকে সাকিফের মুশাররক বাজারে দেখেছি। আমি শুনলাম নবীজি সূট ত্বরিক তেলাওয়াত করছেন। তিনি পুরো সূরা তেলাওয়াত করলেন। জাহিলী যুগের সূরাটি আমি ভালোভাবে মুখস্ত করে ফেলেছিলাম। অথচ সে সময় আমি মুশরিক ছিলাম। মুসলমান হওয়ার পর এই সূরাটি তেলাওয়াত করেছি। সাকিফের লোকেরা আমাকে ডেকে বললো, ঐ ব্যক্তি তোমাকে কী শুনিয়েছে? আমি তাদেরকে সূরা ত্বরিক পড়ে শুনিয়ে দিয়েছি।^{৫১}

^{৫১} সীরাত ইনসাইক্লোপিডিয়া (উর্দু)- ৩/৪৬০

নবীজির দাওয়াত শিবান ইবনে সালাবা গোত্রে:

রাসূলুল্লাহ সাল্লাল্লাহু আলাইহি ওয়াসাল্লাম আবু বকর রা. ও আলী রা. কে সাথে নিয়ে শিবান ইবনে সালাবা গোত্রে গেলেন। গোত্রের পক্ষে উপস্থিত ছিল মাফরুক বিন ওমর, হানি বিন কুবাইসা, মুহান্না বিন হারেসা এবং নোমান বিন শরীক। আবু বকর রা. তাদেরকে উদ্দেশ্য করে বললেন- তোমাদের কাছে আল্লাহর রাসূল সাল্লাল্লাহু আলাইহি ওয়াসাল্লাম এর আগমনের খবর পৌঁছে গেছে। ইনিই হলেন তিনি।

মাফরুক বললো, আমরা এই সংবাদ পেয়েছি তিনি রাসূল হবার দাবী করেন। এরপর সে রাসূলুল্লাহ সাল্লাল্লাহু সাল্লাম এর দিকে মুখ ফিরিয়ে বলল, হে কুরাইশী! আপনি কোন জিনিসের দিকে দাওয়াত দেন? রাসূলুল্লাহ সাল্লাল্লাহু ওয়াসাল্লাম সামনে এগিয়ে বসে গেলেন। হযরত আবু বকর রা. তার কাপড় দিয়ে নবীজিকে ছায়া দিতে লাগলেন।

নবীজী বললেন, আমি তোমাদেরকে একথা সাক্ষ্য দিতে দাওয়াত দেই যে, আল্লাহ্ ছাড়া আর কোন উপাস্য নেই। তিনি এক ও অদ্বিতীয়। তার সাথে কোন অংশীদার নেই। আর আমি হলাম আল্লাহর রাসূল। আমি দাওয়াত দিচ্ছি তোমরা আমাকে আশ্রয় দাও। আমাকে নিরাপত্তা দাও। আমাকে সাহায্য করো যাতে আল্লাহ্ তাআলা আমাকে যে নির্দেশ দিয়েছেন আমি যেন তার পক্ষ থেকে মানুষের কাছে পৌঁছানোর দায়িত্ব আদায় করতে পারি। নিঃসন্দেহে কুরাইশরা আল্লাহর নির্দেশের বিরোধিতায় একে অপরকে সাহায্য করেছে। আল্লাহর রাসূলকে মিথ্যা আরোপ করেছে। অন্যায় এর মাধ্যমে সত্য থেকে বিমুখ হয়ে গিয়েছে। বরং আল্লাহ্ হলেন অমুখাপেক্ষী, সকল প্রশংসার অধিকারী।

মাফরুক জিজ্ঞাসা করল, হে কোরাইশী! আপনি কি আরো কোন কিছুর দিকে দাওয়াত দেন?

নবীজি সাল্লাল্লাহু ওয়াসাল্লাম তার উত্তরে পবিত্র কুরআনের এই আয়াত তেলাওয়াত করে শোনালেন-

قُلْ تَعَالَوْا أَتْلُ مَا حَرَّمَ رَبُّكُمْ عَلَيْكُمْ ۖ أَلَّا تُشْرِكُوا بِهِ شَيْئًا ۚ وَبِالْوَالِدَيْنِ إِحْسَانًا ۚ وَلَا تَقْتُلُوا أَوْلَادَكُمْ ۖ مِنْ إِمْلَاقٍ ۚ نَحْنُ نَرْزُقُكُمْ وَإِيَّاهُمْ ۚ وَلَا تَقْرَبُوا الْفَوَاحِشَ مَا ظَهَرَ مِنْهَا وَمَا بَطَنٌ ۚ وَلَا تَقْتُلُوا النَّفْسَ الَّتِي حَرَّمَ اللَّهُ ۖ إِلَّا بِالْحَقِّ ۚ ذَلِكُمْ وَصَّاكُمْ بِهِ لَعَلَّكُمْ تَعْقِلُونَ

আপনি বলুনঃ এস, আমি তোমাদেরকে ঐসব বিষয় পাঠ করে শুনাই, যেগুলো তোমাদের প্রতিপালক তোমাদের জন্যে হারাম করেছেন। তা এই যে, আল্লাহর সাথে কোন কিছুকে অংশীদার করো না, পিতা-মাতার সাথে সদয় ব্যবহার করো, স্বীয় সন্তানদেরকে দারিদ্রের কারণে হত্যা করো না, আমি তোমাদেরকে ও তাদেরকে আহার দেই, নির্লজ্জতার কাছেও যেয়ো না, প্রকাশ্য হোক কিংবা অপ্রকাশ্য, যাকে হত্যা করা আল্লাহ্ হারাম করেছেন, তাকে হত্যা করো না; কিন্তু ন্যায়ভাবে। তোমাদেরকে এ নির্দেশ দিয়েছেন, যেন তোমরা বুঝ।^{৭২}

وَلَا تَقْرَبُوا مَالَ الْيَتِيمِ إِلَّا بِالَّتِي هِيَ أَحْسَنُ حَتَّىٰ يَبْلُغَ أَشُدَّهُ ۚ وَأَوْفُوا بِالْكَيْلِ وَالْمِيزَانِ ۚ بِالْقِسْطِ ۚ لَا تَكْفُفْ نَفْسًا إِلَّا وَسْعَهَا ۚ وَإِذَا قُلْتُمْ فَاعْدِلُوا وَلَوْ كَانَ ذَا قُرْبَىٰ ۚ وَبِعَهْدِ اللَّهِ أَوْفُوا ۚ ذَلِكُمْ وَصَّاكُمْ بِهِ لَعَلَّكُمْ تَذَكَّرُونَ

^{৭২} সূরা আনআম, আয়াত নং-১৫১

এতীমদের ধন-সম্পদের কাছেও যেয়ো না; কিন্তু উত্তম পন্থায় যে পর্যন্ত সে বয়ঃপ্রাপ্ত না হয়। ওজন ও মাপ পূর্ণ কর ন্যায় সহকারে। আমি কাউকে তার সাধের অতীত কষ্ট দেই না। যখন তোমরা কথা বল, তখন সুবিচার কর, যদিও সে আত্মীয়ও হয়। আল্লাহ্র সাথে কৃত অঙ্গীকার পূর্ণ কর।^{৫০}

وَأَنَّ هَذَا صِرَاطِي مُسْتَقِيمًا فَاتَّبِعُوهُ وَلَا تَتَّبِعُوا السُّبُلَ فَتَفَرَّقَ بِكُمْ عَنْ سَبِيلِهِ ذَلِكُمْ وَصَّاكُمْ بِهِ لَعَلَّكُمْ تَتَّقُونَ

নিশ্চিতভাবে এটি আমার সরল পথ। অতএব, এ পথে চল এবং অন্যান্য পথে চলো না। তা হলে সেসব পথ তোমাদেরকে তাঁর পথ থেকে বিচ্ছিন্ন করে দিবে। তোমাদেরকে এ নির্দেশ দিয়েছেন, যাতে তোমরা সংযত হও।^{৫১}

এ আয়াত শোনে মাফরুক জিজ্ঞাসা করল, হে কোরাইশী! আপনি আর কীসের দিকে দাওয়াত দেন? আল্লাহ্র কসম, এটা দুনিয়ার কোন কালাম নয়। যদি হতো তাহলে তা চিনতাম। এবার নবীজি সাল্লাল্লাহু আলাইহি ওয়াসাল্লাম এই আয়াত পড়ে শোনালেন।

إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ

^{৫০} সূরা আনআম, আয়াত নং-১৫২

^{৫১} সূরা আনআম, আয়াত নং-১৫৩

আল্লাহ্ ন্যায়পরায়ণতা, সদাচরণ এবং আত্মীয়-স্বজনকে দান করার আদেশ দেন এবং তিনি অশ্লীলতা, অসঙ্গত কাজ এবং অবাধ্যতা করতে বারণ করেন। তিনি তোমাদের উপদেশ দেন যাতে তোমরা স্মরণ রাখ।^{৫২}

এছাড়াও নবীজী বিভিন্ন গোত্রের কাছে গিয়ে তাদের সামনে কুরআন তেলাওয়াত করে তাদেরকে ইসলামের দাওয়াত দিতেন। বিভিন্ন বাজারে গিয়েও কুরআন পড়ে শোনাতেন এবং ইসলামের দাওয়াত দিতেন। অনেক মানুষ এই কুরআন পড়ে বা শুনে ইসলাম গ্রহণ করতেন।

বর্তমান যুগেও যারা ইসলাম গ্রহণ করে তাদের মধ্যে অধিকাংশ মানুষ কুরআন পড়ে বা বুঝে মুসলমান হয়। নিম্নে এমন দুএকজনের ঘটনা পেশ করছি।

^{৫২} সূরা নাহল, আয়াত নং-৯০, সীরাতে ইনসাইক্লোপিডিয়া (উর্দু)- ৩/৪৮৬

কুরআনে ভুল খুঁজতে গিয়ে নিজেই মুসলমান হলেন খ্রিস্টান গবেষক

অধ্যাপক ড. গ্যারি মিলার ছিলেন কানাডার সাবেক খ্রিস্টধর্ম প্রচারক। তিনি পবিত্র কুরআনের মধ্যে ভুল খোঁজার চেষ্টা করেছিলেন। কুরআনের ভুল বের করে যাতে ইসলাম ও কুরআন বিরোধী প্রচারণা চালানো সহজ হয় সেজন্য তিনি এ চেষ্টা করেছিলেন। কিন্তু কুরআন পড়ার পর তার ভিতরে অদ্ভুত পরিবর্তন আসে। ফলে নিজেই ইসলাম ধর্ম গ্রহণ করে মুসলমান হন। ইসলাম গ্রহণের পর তার নাম দেয়া হয়েছে আবদুল আহাদ উমার।

অধ্যাপক ড. গ্যারি মিলার বলেন, আমি একদিন কুরআন সংগ্রহ করে তা পড়া শুরু করলাম। প্রথমে ভেবেছিলাম কুরআন নাখিল হয়েছিল আরবের মরুচারীদের মধ্যে। তাই এতে নিশ্চয় মরুভূমি সম্পর্কে কথা থাকবে। কুরআন নাখিল হয়েছিল ১৪০০ বছর আগে। তাই খুব সহজেই এতে অনেক ভুল খুঁজে পাব ও সেসব ভুল মুসলিমদের সামনে তুলে ধরব।

কিন্তু কুরআন পড়ার পরে বুঝলাম আমার এসব ধারণা ঠিক নয়, বরং আমি অনেক আকর্ষণীয় তথ্য পেলাম। বিশেষ করে সূরা নিসার ৮২ নম্বর আয়াতটি আমাকে গভীর ভাবনায় নিমজ্জিত করে। সেখানে আল্লাহ বলেন, এরা কী লক্ষ্য করে না কুরআনের প্রতি? এটা যদি আল্লাহ ছাড়া অন্য কারো পক্ষ থেকে নাখিল হতো, তবে এতে অবশ্যই বহু বৈপরিত্য দেখা যেত।

এরপর আরো গভীরভাবে কুরআন অধ্যয়ন করলেন গ্যারি মিলার। আর তার এই অধ্যয়নই তাকে নিয়ে গেল ইসলামের পথে। ইসলামের দোষ খুঁজতে গিয়ে তিনি হয়ে গেলেন একজন মুসলিম তথা মহাসত্যের কাছে সমর্পিত একজন।

তিনি বলেছেন, আমি খুব বিস্মিত হয়েছি যে কুরআনে ঈসার (আ.) মাতা মারিয়ামের নামে একটি বড় পরিপূর্ণ সূরা রয়েছে। আর এ সূরায় তার এত ব্যাপক প্রশংসা ও সম্মান করা হয়েছে যে এত প্রশংসা বাইবেলেও দেখা যায় না। পবিত্র কুরআনের বিভিন্ন স্থানে বিশ্বনবী মুহাম্মাদ (সা.)-এর নাম মাত্র ৫ বার এসেছে।^{১৬}

কুরআনের ভুল খুঁজতে গিয়ে ইসলাম গ্রহণে বাধ্য হন এই মার্কিন লেখিকা

ইউরোপিয়ান বংশোদ্ভূত মার্কিন নারী। নাম ড্যানিয়েলে লোডুকা। ক্যাথলিক পরিবারে জন্মগ্রহণ করলেও ধর্মের প্রতি ছিল তার তীব্র বিতৃষ্ণা। প্রুষ্ঠা বিষয়ে কোনো প্রশ্নই কখনো তার মনে জাগেনি। খারাপ লাগলে বই পড়ে সময় কাটাতেন। কিন্তু এই মানুষটিই একসময় বাধ্য হয়ে ইসলাম গ্রহণ করেন। চলুন শুনে আসি তার ইসলাম গ্রহণের চমকপ্রদ ঘটনা তার মুখ থেকেই-

ড্যানিয়েলে লোডুকা বলেন, ধর্মের প্রতি যেহেতু আমার বিতৃষ্ণা ছিল তাই আমি খ্রিস্টানও হতে চাইনি কখনো। কেউ যদি আমাকে কয়েক কোটি ডলার দিয়েও কোনো ধর্ম গ্রহণ করতে বলত, আমি সরাসরি অস্বীকার করতাম।

আমার প্রিয় লেখক ছিলেন বার্টান্ড রাসেল। তার মতে ধর্ম হলো- কুসংস্কারের চেয়ে একটু ভালো, সাধারণভাবে লোকজনের জন্য ক্ষতিকর, যদিও এর ইতিবাচক কিছু বিষয়ও আছে। তিনি বিশ্বাস করতেন, ধর্ম ও ধর্মীয় দৃষ্টিভঙ্গি জ্ঞানের পথ বন্ধ করে দেয়, ভীতি আর নির্ভরতা বাড়িয়ে দেয়। তাছাড়া আমাদের বিশ্বের যুদ্ধ, নির্যাতন আর দুর্দশার জন্য অনেকাংশে দায়ী ধর্ম।

আমার মনে হতো, ধর্ম ছাড়াই তো ভালো আছি। আমি প্রমাণ করতে চাইতাম, ধর্ম আসলে একটা জোচ্ছুরি। ধর্মকে হেয় করতে আমি পরিকল্পিত কাজ করার কথা ভাবতাম। হ্যাঁ, সেই আমিই এখন মুসলিম। আমি ঘোষণা দিয়েই ইসলাম গ্রহণ করেছি। আর সেটা না করে উপায়ও ছিল না। আমি অনুগত হয়েছি, ইসলাম গ্রহণ করতে বাধ্য হয়েছি।

মজার ব্যাপার হলো- যখন ধর্মাবলম্বনকারীদের সাথে বিশেষ করে মুসলমান হিসেবে পরিচয়দানকারীদের সাথে কথা বলতাম, আমি প্রায়ই লক্ষ্য করতাম, তারা বিশ্বাস করার আকাঙ্ক্ষা পোষণ করে।

তারা দ্বিধাহীনভাবে ধর্মকে আঁকড়ে ধরে। তারা জানে, তারা কী বিশ্বাস করে।

ব্যক্তিগতভাবে আমি কখনো আল্লাহকে খুঁজতে চাইনি, সেই ইচ্ছাও আমার কখনো হয়নি। একদিন আমার এক বন্ধু ইসলামে আল্লাহর অস্তিত্ব সম্পর্কে বোঝাতে চাইল, আমি ক্ষুব্ধ হলাম।

কোনো মানুষ যখন কিছু বিশ্বাস করতে চায়, তখন তার মধ্যে অনেক সময়ই এমন একটা বোধ সৃষ্টি হয়, যার ফলে সেটা গ্রহণ করার ব্যাপারে আগ্রহ তার মধ্যে তৈরি হয়। ধর্মের ব্যাপারেও আমার মধ্যে তেমন একটা ধারণার সৃষ্টি হয়েছিল। আমি ধর্মকে স্রেফ একটা বাজে জিনিস হিসেবে বিশ্বাস করতে চাইতাম।

এমন বিশ্বাস কিন্তু কোনো দৃঢ় প্রমাণের ভিত্তিতে হয়, এমন নয়। স্রেফ অনুমানের ওপর গড়ে ওঠে এ ধরনের বিশ্বাস। আমি যখন কোনো ধর্মীয় বই পড়তাম, তখন সেগুলোর প্রতি আমার কোনো পক্ষপাতিত্ব থাকত না, তবে আমার উদ্দেশ্য থাকত তা থেকে ভুল-ত্রুটি বের করা। এর ফলে আমি আমার উদ্দেশ্যের প্রতি অটল থাকতে পারতাম।

আমার কুরআনের পেপারব্যাক অনুবাদটি পেয়েছিলাম বিনামূল্যে। একদিন দেখলাম, এমবিএ'র কিছু ছেলে কুরআন বিলি করছে। আমি জানতে চাইলাম, এগুলো কি ফ্রি? তারা হ্যাঁ সূচক জবাব দিলে আমি একটা নিয়ে রওনা দিলাম। এসব বইয়ের প্রতি আমার বিন্দুমাত্র আগ্রহ ছিল না। কেবল ফ্রি পেয়েছিলাম বলে নিয়েছিলাম। তবে আমার উদ্দেশ্য ছিল, বইটা পড়ে আরো কিছু খুঁত যদি পাওয়া যায়, তবে ধর্মটির বিরুদ্ধে ব্যবহার করা যাবে।

আমি যে কপিটা পেয়েছিলাম, সেটির পাতাগুলো মলিন হয়ে গিয়েছিল, অনেক পুরনো ছিল সেটি। কিন্তু আমি যতই পড়তে

থাকলাম, ততই বশীভূত হতে লাগলাম। আমি আগে যেসব ধর্মীয় গ্রন্থ পড়েছি, তা থেকে এটা সম্পূর্ণ ভিন্ন। আমি অর্থ সহজেই বুঝতে পারছিলাম। সবকিছুই ছিল স্পষ্ট।

আমার মনে পড়ল, আমার এক বন্ধু যখন আমাকে ইসলামে আল্লাহ কেমন তা বোঝাচ্ছিল, আমি রেগে গিয়েছিলাম, কিন্তু এবার পাতার পর পাতা উল্টে অনেক জায়গায় দেখতে পেলাম তাতে স্পষ্টভাবে বলা হয়েছে, ‘অবশ্যই আল্লাহ ক্ষমাশীল, দয়াময়।’

মনে হলো, পবিত্র কুরআন সরাসরি আমার সাথে কথা বলছে, আমার জীবনের সাথে জড়িয়ে আছে। এটা একটা ‘পুরনো গ্রন্থ’ কিন্তু পুরোপুরি প্রাসঙ্গিক। এর কাব্যিকতা, কল্পনাশক্তি এবং যেভাবে বার্তা পৌঁছে দেয়, তা আমাকে অন্তর থেকে নাড়া দিল। এর অভূতপূর্ব সৌন্দর্য আমি আগে কখনো টের পাইনি। মরুভূমির দমকা হাওয়া যেন সবকিছু উল্টে দিল। মনে হলো আমি যেন কিছু একটার জন্য দৌড়াচ্ছি।

কুরআন আমার বোধশক্তিতে প্রতিক্রিয়া সৃষ্টি করল। নির্দেশনাবলী দেখে তারপর আমাকে চিন্তা করতে, ভাবতে, বিবেচনা করতে বলল। এটা অন্ধ বিশ্বাস প্রত্যাখ্যান করে, কিন্তু যুক্তি ও বুদ্ধিবৃত্তিকে উৎসাহিত করে। কুরআন মানুষকে কল্যাণের দিকে আহ্বান করে, শ্রষ্টাকে স্বীকার করে নিতে বলে, সেই সাথে আধুনিকতা, মানবিকতা, সহমর্মিতার কথা বলে।

অল্প সময়ের মধ্যেই আমার জীবনকে বদলে দেয়ার আগ্রহ তীব্র হয়। আমি ইসলাম সম্পর্কে অন্যান্য বই পড়তে শুরু করলাম। আমি দেখতে পেলাম, কুরআনে অনেক ভবিষ্যদ্বাণী রয়েছে, অনেক হাদিসেও তেমনটা আছে। আমি দেখলাম, পবিত্র

কুরআনে অনেক স্থানে নবী মোহাম্মদকে সংশোধন করা হয়েছে। আমার কাছে অদ্ভুত লাগল। এতেই বোঝা যায়, তিনি গ্রন্থটির লেখক নন।

আমি নতুন পথে হাঁটতে শুরু করলাম, পবিত্র কুরআনের জ্যোতি আর নবী মোহাম্মদের দেখানো রাস্তায়। এই লোকটির মধ্যে মিথ্যাবাদির কোনো আলামত দেখা যায়নি। তিনি সারা রাত নামাজ পড়তেন, তাঁকে নির্যাতনকারীদের ক্ষমা করে দিতে বলতেন, দয়া প্রদর্শনকে উৎসাহিত করতেন। সম্পদ আর ক্ষমতা তিনি প্রত্যাখ্যান করতেন; একমাত্র আল্লাহর দিকে নিবেদনের বিশুদ্ধ বার্তাই প্রচার করতেন। আর তা করতে গিয়ে নির্মম নির্যাতন সহ্য করেছেন।

সব কিছুই সরল, সহজেই বোঝা যায়। আমাদের সৃষ্টি করা হয়েছে। এই মহাবিশ্বের জটিল আর বৈচিত্রময় কোনো কিছুই ঘটনাক্রমে ঘটেনি। তা-ই সাধারণ বিষয় হলো, সেই একজন-যিনি আমাদের সৃষ্টি করেছেন, তাকে অনুসরণ করতে হবে।

আমার অ্যাপার্টমেন্টের কৃত্রিম লাইটিং এবং বাতাসের ওজন নিয়ে ভাবতে ভাবতে পবিত্র কুরআনের এই আয়াতটি পড়লাম- ‘কাফেররা কি ভেবে দেখে না যে, আকাশমন্ডলী ও পৃথিবীর মুখ বন্ধ ছিল, এরপর আমি উভয়কে খুলে দিলাম এবং প্রাণবন্ত সবকিছু আমি পানি থেকে সৃষ্টি করলাম। এরপরও কি তারা বিশ্বাস স্থাপন করবে না?’ (সূরা: আশ্বিয়া, আয়াত : ৩০)।

এই আয়াত পড়ে আমার মাথা যেন দুই ভাগ হয়ে গেল। এটাই তো বিগ ব্যাং তত্ত্ব (এটা স্রেফ একটা তত্ত্ব নয়) সব জীবন্ত সত্তাই পানি থেকে সৃষ্টি হয়েছে; বিজ্ঞানীরা এটা আবিষ্কার করেছে। এটা

ছিল অবাক করা বিষয়। এটা ছিল আমার জীবনের সবচেয়ে উদ্ভেজনাঙ্কর এবং সবচেয়ে ভীতিকর সময়।

আমি বইয়ের পর বই অধ্যয়ন করতে লাগলাম, তথ্যগুলো যাচাই করতে থাকলাম। এক রাতে আমি প্র্যাট ইনস্টিটিউট লাইব্রেরিতে বসে খোলা বইগুলোর দিকে তাকিয়ে ছিলাম। আমার মুখটা হয়তো কিছুটা ফাঁক হয়ে গিয়েছিল। কী ঘটতে যাচ্ছে, আমি বুঝতে পারছিলাম না। তবে এটুকু অনুভব করলাম, আমার সামনে যা রয়েছে, তা হলো সত্য। আগে আমি যেটাকে সত্য ভাবতাম, সেটার আর কোনো অস্তিত্ব ছিল না।

এমনকি আমার সামনে দুটি বিকল্প ছিল। একটা আসলে কোনো বিকল্পই ছিল না। আমি যা আবিষ্কার করেছিলাম, তা অস্বীকার করতে পারছিলাম না, অগ্রাহ্য করতে পারছিলাম না। আগের মতোই চলবো- এমনটাও ভাবছিলাম সামান্য সময়ের জন্য। সেটাও সম্ভব ছিল না। আমার কাছে পথ খোলা ছিল কেবল একটাই। ইসলাম গ্রহণ করা ছাড়া আর কোনো পথ খোলা ছিল না আমার সামনে। অন্য কিছু করা মানেই ছিল সত্যকে অস্বীকার করা।

সমাপ্ত